

VHUMUDZIMU

Ho TALUTSHEDZWA

Ndi a ni livhuwa, Mukomana Carlson. Huno dzindumeliso kha vho inwi nothe vharathu na dzikhalaadzi Murenani. Ndi... Tshiñwe tshifhinga ndi tou pfa ndi sa funi zwiñku u vuwa, musi ndi tshi khou thetshelesa vhuñanzi ho ralo ho vhu mangadzaho, na zwiñwe-vho, sa zwe nda vha ndi tshi khou ita matsheloni ano. Huno, zwenezwo, muthu wa mudzulapo kha thambulo na mutovholo, sa mukomana washu wa Baphuthisi na khaladzi vho fhira khazwo; u rangani ndo vha ndi mu—Mubaphuthisi, nne mune, Mubaphuthisi wa Vhurumiwa, huno—huno ndi tshi ñivha zwine zwa amba musi vhatu vha hanu...

² Ndo vha na zwenezwo zwithihi. Vhatu vhanga vho nñanutshela, huno vha elekanya uri vha ño mpandela ngauri ndi tshi vho penga. Huno ndo wanulusa, huno kanzhi ndo zwi amba nga ndila ya u mona zwiñku, "Arali ndi tshi penga, itonu mnditsha ndi ndothe, ngauri ndo takala nga ndila heyi u fhirisa zwe nda vha ndi zwone ndi na ñhalukanyo yo lugaho yanga." Ngauralo iyo ndi filosofi ñukhu ine nda vha nayo, yanga. Huno—huno zwa vhukuma ndo vha ndi tshi khou diphina nga hetshi—hetshi tshifhinga tsha u vha nga heyi ndila.

³ Huno murathu muñuku wa Tshividzo tsha Kristo fhano, vhunga kanzhi ri tshi amba nga hatsho, kana Khembelaithi. Huno ndi a elelwa uri zwa vhukuma vho vha vhe vhathithisi vho khwáthaho vha miñangano musi ri tshi thoma lwa u tou thoma. Fhedzi, ni a ñivha, ro vha na muñwe nga tshiñwe tshifhinga we a vha a tshi pfi Paulo we a vha e nga ndila yeneyo nthihi, huno o vha muñwe washu. Ngauralo, izwo ndi ngoho. Ndi elekanya uri kanzhi tshire vha tshi sedza ndi vhutshilo vhune na tshila. Ni a ñivha, ndi khwine u ntshilela therero u fhira u ntherela yone, tshifhinga tshiñwe na tshiñwe.

⁴ Tshiñwe tshifhinga tsho fhiraho, mushumeli muhulwane, munna wavhudí wa Mafhungo-madifha o dalaho; nothe—nothe ni a mu ñivha, ndi zwi dzhia nga u ralo. Ndi Vhaf. Booth-Clibborn; vha rera Mafhungo-madifha nga nyambo dza sumbe dzo fhambanaho. U tou vha o thanyaho. Huno ndi... Ndi muswonda wa muhumbulo. Huno ro vha ri tshi khou shumisana nga tshiñwe tshifhinga, nahone ene na Mukomana Moore na nñe, huno ro vha ri tshi khou rera nga ha tshiñwe tshithu. Huno nñe ndo dzhia sia lo fhambanaho na ñawé, huno a sedza u mona hothe kha nñe. A ri, "Ni tou vha ni sa ñivhi Bivhili yanu." Ni a ñivha ndila ine Mukomana Booth a nga zwi amba.

⁵ Nda ri, "Izwo ndi ngoho, Mukomana Booth, fhedzi ndi divha Muñwali vhukumakuma." Ngauralo, ngauralo ndi—ndi toda... Ni a divha, u sa divha Ipfi Lawe ndi Vhutshilo, fhedzi, "u Mu divha ndi Vhutshilo." Izwo ndi zwone. Ni a vhona? Kana ndi divha Ipfi Lawe; arali ndi tshi nga tou Mu divha! Huno izwo vhukuma ndi Ngoho.

⁶ Matsheloni ano, ndo vha, ndi tshi khou khađana na uvhu vhuđama havhudì fhano, ha vhashumeli. Huno ndi tshi dzula phasi fhano ho vha hu na uyu... A thi khou amba uri ndi ħane muñwe muthu. Fhedzi uyu munna wa mukhaļadi o dzhena, mukomana, a dzula heneħħo phasi. Nda ri kha muñwaleli wanga fhano, "Ngoulaa Mukriste vhukuma."

⁷ Ni nkhubudza nga maanda Muhulwane Smith we a vha a tshi anzela u vha Tshivhidzo tsha Mudzimu kha Kristo, ndi a tenda. Ndo vha ndi tshi anzela u vha rerela nga maanda hangei phasi, huno—huno ndi kha di tou mu vhona. O vha a tshi vphonala e tshinwe tshithu tshi no nga mukomana fhano, fhedzi ene o vha e na thongelavhabvana yo tshenaho. Ndo do dzhena nga vothi la murahu, huno na kathihi a thi hangwi liambele le mukalaha vha vha vha tshi anzela u li amba; vha sedza nħha, huno vhakhethwa vhothe vha tshi khou imba, ni a divha. Huno ho vha hu na musidzanyana we a vha a tshi anzela u dzula khudani. Luimbo lwanga lu funwaho lwo vha lu *Mu Takuleleni Nħha*. Huno vhothe vho do vhanda zwanda zwavho, kuitele ku kwa pentekoste, ni a divha, *Mu Takuleleni Nħha*. Vho mpfuna, na nne nda vha funa. Huno musi ri tshi dzhena... O vha a tshi anzela u dzula hangei, thoho yawe i nga ndila *heyi*, kha desike, huno a sokou vha sedza, ni a divha. A da a ri, "Džhenani, muhulwane. Vheani muñadzi wañu. Vheani muñadzi wañu."

⁸ Mukomana hafha; huno ndo guda, zwenezwo, zwauri muñwe wa vhaimbì vha funwaho vhanga vha Mafhungo-madifha ndi mufumakadzi wawé. Huno ndo nea ngeletshedzo yothe ye nda kona, u ita uri a imbe. Huno, zwenezwo, a humbelà uri a si vhidzwe, huno ndi a divha zwine izwo zwa amba. Fhedzi nne muñe ndi khou yo mu ramba, arali a tshi nga kona, u da nahone a imba.

⁹ Zwo luga, a si inwi khaladzi we a imba—imba lula, *Tshikepe Mbidzo*, nga mañwe matsheloni kha Vhanna Vħa Bindu vha Vhakriste, zwino? [Khaladzi u ri, "Ee, muñe wanga. Ee."—Mudz.] Ndi a fulufhela mufumakadzi wanga u do vuwa ino vhege, huno ndi toda a tshi ni pfa, ngauri ndo zuwa nga maanda. Huno arali na sa lu wana kha theiphi, ri khou yo zwi dzudzanya. Ndi funa u imba uho havhudì.

¹⁰ Huno, ndo vha ndi tshi anzela u vhudza vhathu, ndo—ndo vha ndi sa koni u imba na kathihi. Yawee, nnenñe, ndo vha ndi maela dza milioni u bva khazwo. Fhedzi ndo ri, "Arali na vhuya na ya hangei Tađulu nahone na dzula pfamoni

khulu yanu, ni a divha, n̄ha Henengei,” nda ri, “fhasi-fhasi kha muvhundu, murahu maṭakani heneffo murahu, hu na kuzhazhana heneffo. Ukwo ku do vha kwanga. Huno nga mañwe a haya matsheloni musi ni tshi bvela nn̄da kha vurannda huno na pfa muñwe muthu o ima heneffo n̄ha, a tshi khou imba, ‘Tshilidzi tshi mangadzaho! mubvumo u difha hani, tsho tshidza mudzia-u-tambula a no nga n̄ne!’ Inwi ni ri, ‘Rendani Mudzimu! Mualuwa Mukomana Branham mafhedziselon i o zwi kona.’” Hu do vha hu n̄ne henengei a no khou thetshelesa, a no khou lingedza u imba.

¹¹ Kha vharathu vhanga vha Vhakriste, na kha...ndi a tenda muñwe mukomana o mu divhadza kha riñe, matsheloni ano, sa mushumeli wa Buddha, nga hafha. Dzindumeliso kha inwi, khonani yanga ya vhūthogwa. Huno ndo vha ndi na mishumo minzhi, hu si minzhi nga maandesa, fhedzi na vhatu vha Buddha; nahone nga maanda kha la Canada, vhukati ha vhatu vha Tshaina, huno nda wana vhe vha u funa nga maanda nahone vhe vhavhudī.

¹² Ndi elelwa munna muñku wa Buddha a bvaho thembele ni ya Buddha, o dzhena kha muñtangano wa Winnipeg, huno o vha e bofu. Ndi vhatu vhañku nga maanda, vhañku vhavhudī, huno zwa vhukuma vho tenda uri Mudzimu o vha mufhodzi. Huno musi ndi tshi khou mu rabelela, nahone a tshi khou dovhola, uri o funa hani Mudzimu, huno kathihi fhedzi mañawe a bonyolowa, kha...Huno tsho vha tshi tshi tou vha tshithu tshi ma—mangadzaho. Ngauralo, ri—ri takalela munna muñwe na muñwe na muthu muñwe na muñwe.

¹³ Zwino, a thi athu vha na itshi tshifhinga, kha la Chicago, u lingedza u amba...Zwine, ndo vha ndi si nga lingedzi u disa muñwe mulaedza-vho, ngauri fhano vhashumeli vha kona nga maanda u fhira n̄ne, u disa mulaedza. Fhedzi, huno itāli, a niño fhano u pfa mulaedza. Fhedzi ndo elekanya zwauri tshi nga di vha tshifhinga tsha vhugala nga maandesa tshe nda vha ndi tshi do tangana na vhashumeli vha Chicago, ili dzingu ngomu hafha, huno nda divhana navho lwo engedzeaho, huno ra vha vha divhanaho lwo engedzeaho. Huno zwa vhukuma ndi livhuwa Murena nga itshi tshifhinga. Ngauri, ndo da mudini uyu zwifhinga zwinzhi hafha, nga u lambedzwa nga tshivhidzo tshithihi, na nga u lambedzwa nga Vhanna Vha Bindu Vha Vhakriste; ngauralo-ha, a hu na tshifhinga tsha u ñibula kha nyandano ya vhakomana.

¹⁴ Huno—huno zwenezwo nda elekanya, huno hu na zwinzhi nga maanda zwi no tevhela mushumo u no nga hoyu tshifhinga tshothe, zwa u bva na u dzhena, na zwa u ya n̄ha na fhasi, u swika tshiñwe tshifhinga zwi tshi leluwa kha muñwe u vha na mbonadzo yo khakheaho. Huno ndi ñodou dzhia iyi miniti

i tevhelaho i si gathi u lingedza u ṭalutshedza nahone—nahone nda ita uri zwi pfale kha vharathu vhanga, u pfala sa zwine nda divha uri zwi itwa hani.

¹⁵ Huno a—a tho ngo edana nahone a thi koni u ita nya—nyambo ye khamusi ya vha i tshi do vhonala i ya thalukanyo kha vhanna vho funzeaho. A thi na pfunzo, nahone iyo ndi a i shaya. Fhedzi ndo vha...funa Murena. Huno Murena o nnea, khañwe, inwe ndila ya u wina mimuya, nga tshifhiwa Tshikhethwa, uri tshi kone u dadza tshibuli tsha zwe vhabebi vhanga vha sa kone u nnea, pfunzo. U bva hayani ha muta wa vhashai, na vhana vha fumi, na khotsi a lwalaho, huno a tho ngo wana tshikhala tsha u wana pfunzo. Ngauralo zwenezwo, fhedzi, mabeboni, ho vha na tshiñwe tshithu tshe tsha bvelela, tshenzhemo na Mudzimu, kha mme anga na khotsi. Huno no no vhalo nganea yanga. Huno, nga heyo, ndi lingedza u dzhenisa tshipida tshanga, na vhoinwi vharathu, u kokodzela vhaitazwivhi kha Kristo. Huno zwino ndi...

¹⁶ A thi na vhatendadambi. Fhedzi tshifhinga tshothe, ndi sa athu vula Ipfī, ndi takalela u amba na Muiwali zwiñukunyana. Huno ri nga tou kotamisa zwifhañwo zwashu hafhu lwa tshifhinganyana.

¹⁷ Khotsi ashu wa vhuñhogwa, Iwe u Mudzimu washu, huno ri khou sendela kha Iwe ri tshi itela Mafhungo-madifha. Ndi hafha phanda ha vhana Vhau, vhafunzi Vhau, na vharathu vha lutendo lu fanaho lwa vhuñhogwa. Huno nga ndila ine zwa nyanyula mbilu yanga u pfa avha vhanna vha songo pñesewaho, nahone vha rumelwa kha zwiimiswa, u itela Muvhuso wa Mudzimu; vhona nga ndila ine Wa khou vhidza vhana Vhau mađuvhani a u fhedzisela.

¹⁸ Huno riñe ri a tenda ngangoho, Khotsi, zwauri ri khou tshila magumoni a mbambe. Vhunga muporofita o amba, “Hu do vha Tshedza tshifhingani tsha nga madekwana.” Huno ri khou tenda ñamusi zwauri ri vhañinda vha itsi Tshedza tshihulwane tsha Mafhungo-madifha e, nga tshilidzi Tshau, Wa ri tendela u tshi hwala u swika magumoni a lñfhasi, he iyí mvuseledzo ya ya.

¹⁹ Huno ndi a rabela, Khotsi, zwauri, u bva mbiluni yanga, uri Iwe u do ntendela u bula kha vharathu vhanga, matsheloni ano, tshituñwedzi na ndivho ya vhatshilo hanga kha Iwe, uri vha kone u pñesesa. Zwi tendele, uri ri kone u vha na lufuno lwo fhelelaho, na vhuñama, na tshumisano, kha u shuma hothe ha Mafhungo-madifha. Ngauri ri zwi humbela Dzinani ja Yesu, We a rabela uri ri vhe vhatihi, sa Ene na Khotsi Awe vhe Muthihi. Ri tshi tenda hezwi, zwauri, “Izwi vhatu whothe vha do divha uri ni vhafunziwa Vhang, musi ni na lufuno, muñwe kha muñwe.” Amene.

²⁰ Zwino fhedzi...Huno ndi a fulufhela na u fhulufhela zwauri a thi ni borí vharathu na dzikhaladzi, kha hezwi.

Fhedzi ndi elekanya uri ndi ḋo takalela u ḋiita uri ndi pfale, uri ni sa tee u pfa zwe muñwe muthu-vho a amba. Huno ndo no ṭalutshedza, zwifhinga zwinzhi, kha miñwe miñtangano ya vhashumeli, fhedzi hetshi ndi tshifhinga tshanga tsha u thoma kha tshigwada tsha Chicago, huno ndi ḍodou ḋiita a ḋivheaho zwavhuđi vhukuma, nga ha zwine nda khou lingedza u ita.

²¹ Kha Mafhungo-madifha o fhaṭutshedzwaho a kale hafha, ndima ya 26 ya Bugu ya Mishumo, ri a vhala.

Zwino-ha, Oo khosi Agripa, a tho ngo sa pfa bono li bvaho ḫadulu:

²² Hoyu, a hu na zwiñwe, ndi Paulo a no khou amba. Zwine, rine ro̥the, sa vhashumeli, ri takalela u amba nga hae, ngauri o... Rine, ri kha lithihi, ri tenda uri o vha e muapostola kha tshividzo tsha Vhannda, we Mudzimu a mu vhidza uri a vhe ḫha—thanzi kha Vhannda. Huno mushumo wawe wo vhudziseswa.

²³ Huno kanzhi, tshiñwe tshithu tshi songo ḋoweleaho tshi tshi bvelela, tshi a vhudziseswa. Tsho ralo, huno ndi elekanya uri a zwi tsha vha zwi fhiraho pfanelo; tshi tea u vhudziseswa. Huno ndi elekanya uri vhafunzi tshiñwe tshifhinga vha a humbulela nga ha—nga ha zwithu zwine vha zwi pfa, huno ndi a tenda uri vha na pfanelo ya u vha nga u ralo. Ngauri, arali ndi tshi pfectesa ḫthalutshedzo ya ipfi *mufunzi*, li amba “mulisa.” Huno, ngauralo, ndi ene mu—mu—mukanzwi, kana mulisa, wa tshigwada tsha vhanna na vhasadzi tshe Muya Mukhethwa wa mu ita mulangi watsho. Huno u na pfanelo ya u ḋivha uri nngu dzawe dzi khou wana lushaka-de lwa zwiiliwa, na hune zwa bva hone. Ndi elekanya uri u na pfanelo kha hezwo.

²⁴ Huno arali mufunzi, kana tshiñwe tshifhinga vhathu, vha tshi ḋo vhonala vha tshi tou vha na u humbulela zwiñkunyana, izwo a zwi, zwi songo dina muñwe, na kathihi. Zwi tea u ḫisa dzithompho kha mbilu ya muthu, u itela muthu wavho, uyo o imaho, a no ḋo zwi vhudzisesa. Huno, iṭali, arali ni si na ngoho ya uri no dzudzanyeza zwone, ni nga kona hani u vhuya na tshimbila nga lutendo?

²⁵ Arali kha ḫalukanyo yanu ni tshi vhea... Zwino, hezwi zwi vhonala zwi saikholodzhi; zwine hu na khonadzeo ya uri ndi yone, huno ndi yone, fhedzi yo luga. Fhedzi inwi vhukuma na tou, elekanya zwi tshi bva mbiluni, na kathihi ni nga si takuwe dafulani, hu na khonadzeo ya uri ni nga si ḋo ralo. Ni a vhona? Ni tea... Zwi tou leluwa nga u ralo.

²⁶ Ni tea u tenda. Ni tea u vha na lutendo. Ni tea u vha na vhufulufhelo. Huno ni nga vha hani na vhufulufhelo kha tshiñwe-vho tshire ni—tshire ni sa vhuye na ḋivha hune na khou ya? Naa ndo vha ndi tshi nga enda hani ndilani ndi sa athu vha khayo, nga luvhilo lu re khombo, na u mona na dzikhuyu, ndi sa ḋivhi uri khuyo i tevhelaho i na mini? Ni tea u vhona hune na khou ya, kana a ni ḋivhi uri hu

tshimbilwa hani. Huno iyo ndi ndila ine muñwe na muñwe a tea u vha ngayo. Huno-ha musi ni tshi kona, ni a i vhona, ni dzumbululelwa yone, huno ni a ñivha hune na khou ya, zwenezwo a hu na tshithu tshi no ño ni imisa.

²⁷ Huno izwo, ndi a elekanya, Paulo, ndi zwe a vha a tshi khou lingedza u zwi swikisa kha Agripa hafha. Izwo, o—o vha vhudza uri, “Ndo vhuya nda vha muñwe wañu.”

²⁸ Huno ndi dzhia uri, khamusi, arali—arali uyu mukomana wa Mubaphuthisi, nahone a tshi nga ya tshivhidzoni tsha Baphuthisi matsheloni ano, ene na mufumakadzi wawe, izwo khamusi zwi do vha vhuñanzi havho. “Ndo—ndo vhuya nda vha muñwe wañu.”

²⁹ Kana, Tshivhidzo tsha Kristo, kana mu—mukomana wa Khembelaithi hafha, o vha a tshi ño ya kha—kha vhathu vhawe. Ndi a tenda tshi vhidzwa nga dzina la khwine; Vhafunziwa vha Kristo, vha tshi vhidza nga u ralo, fhedzi zwa vhukuma ndi tsha pfunzo ya Alexander Campbell. Huno-ha Tshivhidzo tsha Kristo tsho bva kha inwi, nga nthani ha muzika. Izwo ndi zwone, kani a si zwone? Huno arali o vha a tshi nga humela murahu khavho, o vha a tshi ño ri, “Ndo vhuya nda vha wañu.”

³⁰ Huno Paulo u humela murahu hafha kha Khosi Agripa, na Festo, huno a ri, “Ndo vhuya nda vha wañu. Ndo vha ndi Mufarisei wa Vhafarisei.” O aluwa nga fhasi ha Gamaliele, mudededzi muhulwane, huno o ñivha milayo na ndaulo dzavho dzoþhe, na zwe vha tou tenda na zwe vha sa tende. Huno ha pfi, “Nahone nñe ndo tovhola Tshivhidzo tsha Mudzimu u isa lufuni.” Ni a vhona? A ri, “Tshithu tshenetsho tshine nda khou vhudziseswa nga hatsho, ndo vha ndi mutovholi watsho.”

³¹ Huno tshifhinga tshoþhe ndo elekanya zwauri lufu lwa Stefano lu fanela u vha lwo ya kha Paulo, ngauri musi o no vhona iyo mbonalele ya vhugala kha tshifhaþuwo tsha Stefano. Musi o sedza nthia, huno magwada a tshi khou mu kanda u isa lufuni, huno a ri, “Ndi vhona Yesu o ima tshandani tsha u la tsha Mudzimu.” Huno ni a ñivha, ni nga vhulaha mudinda, fhedzi na kathihi ni nga si vhulahe mulaedza wawe. Ndi Ngoho. Nahone mulaedza, nangwe Stefano o vha o no tuwa u yo ima na Yesu, nangwe zwo ralo, mulaedza wawe wo dzula u hone, ngauri Paulo o dzulela u amba nga hawo, nahone, mini, ndi ene “muþukusa” khavho, huno o vha a songo fanela u vhidzwa ene, ngauri o no tanziela nahone—nahone o ñea thendelo yawe ya u tuwisa uyu muthu a ofhaho Mudzimu.

³² Huno ngauralo-ha, Paulo, vhunga vhanna vhoþhe vhanna vha sa athu tea u ita, Paulo u dzhia tshenzhemo yawe—yawe, murahu, u bva mathomoni, u ya kha zwe a vha e zwone; huno a i vhea nahone a i tea kha Luñwalo, u sumbedza uri zwe a

vha a tshi khou ita zwo vha zwi Luñwaloni. Naho zwo vha zwo fhambana na lutendo lwavho, nangwe zwo ralo o vha a tshi khou vha sumbedza uri ndi Luñwalo.

³³ Ngauralo-ha, ndi elekanya uri riñe... Tshiñwe-vho, vhunga izwo ndo no zwi amba lunzhi, vharathu, vho inwi vhe na vha ni kha miñgano, uri, arali nda vhuya nda wanala ndi tshi khou amba zwithu zwi si Luñwaloni, zwenezwo ndi elekanya uri ndi ngoho zwauri... kana muñwe mukomana-vho, ri tea u dalelana huno ra ri, "Izwo a zwi wanali Bivhilini," ni a vhona. Arali zwi ngomu Bivhilini, ni nga ñivha na ñhalutshedzo yo fhambanaho; fhedzi, ndi zwone, arali zwi kha Luñwalo, zwo luga.

³⁴ Zwino, Paulo o vha a tshi khou nea ñhalutshedzo yawe ya zwe muporofita a amba, na zwe Mushe a amba, zwi tshi khou bvelela. Huno o ñangana na Yesu ndilani, nga bono. Huno hoyu Yesu a mu vhidzelela.

³⁵ Zwine, zwo vha zwi songo tea u vha zwo vha tshithu tshi kondaho kha avho Vhayuda, vhunga o amba, "Festo a huliseaho nga maanda," na—na zwiñwe-vho, zwauri zwi "do vha tshithu tshisili kha iwe, zwauri Mudzimu u do vusa vhafu?" Ni a vhona? "Ngauri arali ni tshi zwi ñivha zwe Mudzimu a vha e zwone ngei murahu, nga ma—Mañwalo, ngoho no vha ni tshi do ñivha uri U a kona u vusa vhafu."

³⁶ Huno zwenezwo a amba, a vha nea tshenzhemo ya ndilani yawe ya u ya Damaseko, ya zwe zwa bvelela, zwenezwo, u vha ñivhadza zwauri hoyu Yesu we—we vha vha vha tshi khou vusa bonyongo lihulusa nga hae a tshi khou Li rera, o vha e onoyo Mudzimu we vha mu shumela tshifhinga tshothe. Ngauri, O vha e sogani navho, We a vha ranga phanda, e itsho Tshedza; Mulilo, Khavhu ya Mulilo ye ya vha ranga phanda. Huno O bvelela kha Paulo kha tshenetsho tshithu tshithihi, Tshedza hafhu, tsho mu pofudzaho. Huno o vhudzisa, "Naa U nnyi, Murena?"

³⁷ Huno A ri, "Ndi nñe Yesu, ane wa mu tovhola. Huno zwi a konda u raha mipfa."

³⁸ Huno o vha a tshi khou lingedza u vha ñalutshedza zwe zwa vha zwi zwone, nahone—nahone o vha a tshi khou lingedza u vha funza zwauri, zwe a vha a tshi khou zwi nea vhathu, izwo zwo vha zwi, zwauri, "Yesu Kristo o vha e Mesia, na uri O fa, huno Mudzimu a Mu vusa." Huno izwo zwo vha zwi u ya nga Mañwalo. "Na zwauri zwino O gonyela Ntha, kha Mudzimu Khotsi," na uri—uri o vha e ñhanzi ya mvuwo Yawe. Na, zwauri, aya mañembe, na zwiga, na zwimangadzo, zwe zwa vha zwi zwisili phanqa ha vhathu, zwo vha zwi si tshithu tshiswa kha mutendi wa vhukuma, wa Luñwalo, ngauri Bivhili yo zwi amba.

³⁹ Sedzani murahu kha vhaporofita, uri yo porofita hani, zwe, kha u ña ha Mesia, na zwe A vha a tshi do ita, "Wa tshihole u do

fhufha vhunga phala,” kha Yesaya 35 na Maiwalo o fhambanaho e a vha a tshi do vha o amba nga hao. A ri nazwo two riwaliwa hafha, fhedzi kharwe a tshi humela murahu nahone a tshi zwi amba kha nyambo yawe pfufhi phanda ha mahosi; ngauri, hu na khonadzeo ya uri vho vha si nga mu kondeleli vhunga zwine na vha zwone kha nne. Ngauralo, huno zwenezwo o—o vha a tshi khou zwi talutshedza, nahone a tshi khou lingedza u vha vhudza zwauri Mudzimu onoyo we vha mu shumela . . .

⁴⁰ Huno zwenezwo, hafhu, a ri, “Nga ndila ine ya vhidzwa pfunzo i fhirițanyaho,” ine ya vha, “ya tshipengo,” ni a vhona. “Ndila i no pfi pfunzo i fhirițanyaho, iyo ndi ndila ine nda luvha Mudzimu ane na mu luvha.” Ni a vhona, “Nga ndila i no pfi pfunzo i fhirițanyaho.”

⁴¹ Ndi na ngoho uri, namusi, arali ro ima na zwivhidzo zwa u ranga zwe ra vha ri khazwo, zwi no nga sa Puresbiterieni, Katolika, Baphuthisi, na two fhambanaho, ro vha ri tshi do ambā vhutanzi honoho vhuthihi kha avho vhathu vhane vha ri vha a ḥoda, vhunga, u dzenisa mukomana kha wadi ya vha no penga, kana tshinwe tshithu tshi no nga tshenetsho. “Nga ndila i no pfi pfunzo i fhirițanyaho, iyo ndi ndila ine nda luvha Mudzimu wa vhokhotsi ashu.”

⁴² Huno ndi vhutanzi havhudzi he ha vha vhu phanda ha Agripa, u swika na vhukati ha nyambo yawe, Agripa a vhidzelela, huno a ri, “Paulo, Saulo, ho tou sala kačukučuku u tshi nkwegweledza u vha Mukriste.” Ni a vhona, ndila, ye a disa Maiwalo ngayo lu pfalaho nga maanda, nangwe two ralo yo vha i tshi fhambana na sinagogo yawe. Fhedzi Maiwalo o vha a tshi pfala lwo fhelelaho, u swika a tshi ri, “Ho tou sala kačukučuku u tshi nkwegweledza u vha a fanaho na iwe.”

⁴³ Paulo a ri, “Ndi tama wo vha wo ralo, tshothe, tshi re hone fhedzi ndo vha ndi si nga ḥodi u tshi vha kha idzi ngedane dzine nda vha khadzo, u a vhona,” fhedzi u vha mutendi vhunga ene. Nga maiwe maipfi, arali ndi . . . “Ndi humbela kha Mudzimu uri ni vhe no vhona nzumbululo vhunga—vhunga ndi tshi i vhona.” Nga maiwe maipfi, “Ndi—ndi tama no vha ni tshi nga zwi ita izwo.” Ni a vhona? “Ndi tou tama no vha ni tshi nga ralo.”

⁴⁴ Musi, Festo, ndi a tenda, o mu vhudza uri o “guda lwo kalulaho,” o “ṭangana ḥohoh.” Fhedzi o mu divhadza zwauri o—zwauri o vha a songo ralo; zwauri o—o ḫivha he a vha e hone.

⁴⁵ Huno ndo vha ndi tshi do amba hezwi, matsheloni ano, vharathu. Ndi tama tshothe ūri ndi kone . . . Ndi sa khou amba vhutshilo ha Paulo, fhedzi u tou itela u nea nyambo ḫukhu ya theo. Ngauri, hu na vhanzhi vho engedzeaho fhano vhane khamusi vha do amba matsheloni ano, fhedzi ndo ḥoda itshi tshifhinga tsha u amba hezwi. Zwino ndi tama uri tshivhidzo tshinwe na tshinwe tsho fhambanaho, vhunga ndo ni pfa ni tshi tsela fhasi, Thembele ya Bethele, I ḫilangaho, Khuvhangano

dza Mudzimu, na zwińwe zwo fhambanaho... ndi tama tshothe ni tshi nga vhona zwine nda vhona; zwauri ni kone. Ndi tama ni tshi nga vhona bono līne nda vhona, zwenezwo ni do vha na pfeseso i pfalaho, iyo ya mushumo.

⁴⁶ Musi ndi tshi tutshela tshivhidzo tsha Baphuthisi, u da kha pentekoste; nahone Dok. Roy E. Davis, we a nnta kha tshivhidzo tsha Vhurumiwa tsha Baphuthisi, o mmbudza zwauri ndo vha na muloro u ofhisaho, musi bono la Murena li tshi da huno—huno la amba na nne. Huno—huno ni a divha zwe phodzo ya vha i zwone nga itsho tshifhinga, yo vha i kha nyimele ya fhasi.

⁴⁷ Huno—huno a tho ngo divha tshithu nga ha Vhapentekostała. Ndo pfa uri vho vha vhe tshigwada tsha vhavhumbuluwi-vhakhethwa vhe vha lala fhasi huno vha hvuhla sa mmbwa dzi pengaho, huno vho do tea u vha vhudzulela muya huno vha ita uri vha dovhe vha tshire, na zwothe nga u ralo. Izwo ndi zwone fhedzi zwe nda divha nga ha vhatu vha Pentekoste.

O ri, “Ndi nnyi ane na elekanya uri u do ni pfa?”

⁴⁸ Nda ri, “Arali Mudzimu a tshi khou nthuma, hu na huńwe fhethu na muńwe muthu A no khou nthumela khae.” Izwo ndi zwone. Ni a vhona? Ngauri, ndo ri, “Dok. Davis,” nda ri, “O vha a tshi tou vha wa vhukuma; nda ima nahone nda Mu sedza,” nda ralo. Vho mmbudza uri ayo mabono...

⁴⁹ Ndi mutendi muhulwane, vharathu, uri—uri zwifhiwa na mbidzo a dzi na tshanduko. Ndi—ndi a zwi tenda izwo. Ni a bebwa, ni nga si vhe tshińwe tshithu tshine ni sa vhe tshone. Huno misi yothe ni tshi lingedza u q̄iita tshińwe tshithu tshine ni sa vhe tshone, ni khou tou tamba tshipiqa tsha muhoi. Huno Mudzimu ntendele ndi fe ndi sa athu vha muhoi, ni a vhona. Ntendele ndi vhe uyo ane nda vha ene, huno-ha zwi ite uri zwi vhe khagala nahone zwi pfale. Huno—huno, zwenezwo, ntendele—ntendele ndi vhe nga iyo ndila, huno-ha muńwe na muńwe u a divha. Zwenezwo ni a divha kokotolo.

⁵⁰ Huno ngauralo zwino, vhunga ni tshi divha, a tho ngo ya tshikoloni nga maanda, vhunga ndo amba. Ngauralo kha yanga...kha theolodzhi, ndi a shaesaho. Huno ndi a humbulela uri izwo ni a zwi divha, ni a vhona. Huno sa mureri, a tho ngo vhuya nda divhidza ene, nga nwambo wa u sa dzhena tshikolo na u divha maipfi, na zwińwe-vho. Fhedzi zwiłuku zwine nda vha nazwo, u...sa ndivho yanga ya u divha, nga tshilidzi Tshawe, Murena Yesu, ndi lingedza u zwi kovha na vhakomana vhanga huńwe, u kovha hezwi.

⁵¹ Huno, fhedzi, musi ndi tshi tutshela tshivhidzo tsha Baphuthisi; tshire tsha vha tshone tshivhidzo tshi tshothe tshire nda vhuya nda dzhena ngomu hatsho, kana nda telwa ngomu. Huno ndo tiwa nga 1933, kha tshivhidzo tsha

Vhurumiwa tsha Baphuthisi, Jeffersonville, Indiana. Ndi tshone—tshone...ndi tshone murado wa Khuvhangano ya Tshipembe ya Baphuthisi. Zwenezwo riñe, nga itshi tshifhinga, ndi...musi ndi tshi ṭuwa huno nda tou...

⁵² Zwino, tshivhidzo tsha Baphuthisi ndi tshihulwane. Ri—ri a zwi ḋivha roṭhe hezwo, zwauri ndi—ndi...Ni nga rera nga ha tshiñwe na tshiñwe tshire na ṭoda, arali tshivhidzo tshanu tshi tshi do tshi kondelela. Vha tou...Ni ṭoda u rera tshiñwe na tshiñwe tshire na tama.

⁵³ Huno izwo ndi a zwi takalela, ni a vhona, ngauri ndi a tenda uri ndi zwa vhuapostola. Ngauri, ṭhoho, tshimo tsha n̄thesa tshivhidzoni, ndi mulisa, izwo ri a zwi ṭalukanya, mufunzi. Huno—huno arali ene—ene...Arali muñwe mubishopo kana muñwe muthu—vho a tshi khou yo bvisa nzumbululo kha mufunzi, zwenezwo Mudzimu u khou yo vhuya a kona hani u shuma tshivhidzoni tshawe? Ni a vhona, ni nga si tou kona u zwi wana. Ngauralo, nahone ndo...

⁵⁴ Musi ndi tshi bva heneffo, ndo tangana na tshigwada tsha u thoma, tshe tsha vha tshi phodzo ya Betty Daugherty muñuku, kha Louis Mk., Missouri. Huno tsho vha tshi Pentekoste yo Vhumbanaho, kana tshivhidzo tsha Dzina la Yesu tsha Pentekoste, huno uyo mufunzi o vha e watsho, nahone musidzanyana wawe a fhodzwa. Zwi khagala, ndo elekanya uri izwo ndi zwe zwa mu ita uri a vhe wa pentekoste, ngauri vho ḋivhidza, "Yesu Fhedzi." Huno ndo elekanya uri izwo ndi zwe zwa vha ita vha pentekoste, ngauri izwo ndi zwe vha ḋivhidza zwone, huno phambano yo vha i yeneyo. Ngauralo, zwo ralo, zwenezwo u bva heneffo nda ya...

⁵⁵ Huno munna wavhudi; o ḍo fara muñangano muhulwane ngei Louis Mk., une tshifanyiso tsha vhonala ngomu heneffo. Huno ro ḍo vha na Oditoriamu ya Kiel; huno vhusiku ha u thoma, kana vhuvhili, ya ḍadzwa nga vha zwigidi zwa fumiña, huno ra sa vhuye ra kona...ro ḍo tea u vhea mapholisa kha mahothi, uri vha vhe kule.

⁵⁶ Huno zwenezwo u bva heneffo, u tsa u swika Richard T. Reed, ya Thaberanakele yo Fhatutshedzwaho ya Awara ya Kale ya Bivhili, Jonesboro, ye na yone ya vha i ya dzangano lenelo lithihi. Huno u bva khayo, u ya Dok. G. H. Brown, lenelo dzangano lithihi, kha 505 Tshitaratani tsha Victor kha la Little Rock, Arkansas. Huno, u bva heneffo, u ya West Coast.

⁵⁷ Huno zwenezwo musi ndi tshi ya West Coast, ndi funga mulilo. Zwenezwo nda wanulusa uri ho vha hu na u khethekana hunzhi vhukati ha vhathe vha pentekoste, kha madzangano avho, vhunga riñe Vhabaphuthisi ri naho. Ni a vhona, ho vha—ho vha hu na phambano nnzhi, dze dza vha dzi hone, vho vha na dzo fhambanaho. Ho vha hu na Khuvhangano dza Mudzimu, na Tshivhidzo tsha Mudzimu, na tshiñwe tshithu—vho,

na tshiñwe tshithu-vho, na tshiñwe tshithu-vho, na—na phambano. Huno vho vha vho dikhethekanya, nahone vho ola mitaladzi mituku ya mukano. Huno vhañwe vharathu vhothe vha thoma u ña kha nne, huno vha mmbudza, “Malandu, inwi ni Yesu Fhedzi, na itshi tshigwada nga hafha.”

Nda ri, “Hai, a thi—a thi ñivhidzi izwo.” Ni a vhona?

A ri, “Malandu, ni khou anđana navho.”

⁵⁸ Nda ri, “Zwo luga, izwo—izwo a zwi nnyiti izwo.” Ni a vhona? Huno nda ri, “Ndi—ndi—ndi sokou... Vho vha vhe vhakomana.”

⁵⁹ Huno a ri, “Malandu, vha tou vha... Malandu, a vha na tshiñwe tshithu nga nnđa ha tshivhalonyana tsha vhulalakhuhu ha mañoni na zwithu, u mona hoñhe, nga u ralo. Ndi ngafhi...”

⁶⁰ Nda ri, “Zwino, ni mpfarele. Ndi ñangana na vhanna vha ofhaho Mudzimu vhukuma henengei. Huno ndi vhanna vha Mudzimu.” Huno nda ri, “Zwa vhukuma ndi—ndi nyala u vha vhidza vhavhi; ngauri, a vha hezwo.”

⁶¹ Zwo ralo, zwenezwo nda lingedza u zwi litsha tshifhinga tshilapfu tshe nda kona, ndi sa buli nga iñwe ndila. Zwo ralo, nda thoma u guda zwe mihibulo yavho ya vha i zwone, na zwe khethekanyo dzavho dza vha dzi zwone, na zwe zwa vha ita uri vha khethekane. Huno nda wana zwauri zwigwili zwa zwigwada zwigwane, tshiñwe tshazwo, tsho vha tshi tshi vhidzwa Yesu Fhedzi, huno tshiñwe tsho vha tshi tshi vhidzwa Khuvhangano dza Mudzimu. Huno vho vhidzelwa nnđa, kana vho khethekanywa, nga nthani ha fhungo la ndovhédzo ya madini; muiwe a tshi khou shumisa “Khotsi, Murwa, Muya Mukhethwa,” huno muiwe a tshi khou shumisa Dzina la “Yesu.”

⁶² Zwo ralo, nda sedza, huno matungo othe ho vha hu na vhanna vhahulwane, vhalanda vha Mudzimu. Huno nda elekanya, “Oo Mudzimu, arali ndo vha ndi tshi nga vha vhona vhothe vha tshi bvelela ngomu kha... ndi u tou ya phandä nahone na vha... fhedzi ni songo sokou ola mitaladzi yavho, nahone vha tshi ri, ‘Ri nga si vhe na vhuñama nga tshashu.’” Fhedzi ndo wanulusa, kha hezwi, muya muvhi wo dzhena vhukati havho huno wo do vhanga vengo na vhuvhi, nga mafhungo e a vha vhukati havho. Nda elekanya, izwo zwi tou vha kokotolo zwavhuđi zwine diabolo a tðoda. Izwo zwi tou vha zwine a tðoda. Musi zwigidi zwanu zwo pfumbudzelwa nga tshau, ha tei u lwa na luthihi. Huno ndi... .

⁶³ Huno ngauralo zwenezwo, tsha u fhedzisela, zwi ña kha makhaulatshele. Huno ayo makhaulatshele o vha e Seattle, Washington, tsini na 1946. Huno nga mañwe matsheloni nda ñiswa holoni ya hodela, tshiñwe tshithu tshi no nga hetshi, hu na vhu—vhuragane ha vhañwe vhashumeli. Huno ndo ño tea u amba na vhanna vhavhili vhahulwane.

⁶⁴ Huno muñwe wavho o vha e Dok. Ness. Ndi dzhia uri inwi Khuvhangano dza Mudzimu ni a mu elelwa. O vha e kha disi ja devhula-vhukovhela; munna muhulwane, o thanyaho, tshikola. Huno o imela Khuvhangano dza Mudzimu.

⁶⁵ Huno zwenezwo, Dok. Scism, wa tshivhidzo tsho Vhumbanaho tsha Pentekoste. Ndi a humbulela inwi vharathu vho Vhumbanaho vha Pentekoste ni a mu elelwa. Na ene o vha e wa mađisi a devhula-vhukovhela henengei n̄tha, uri o vha e nga n̄tha havho na madzinga henengei n̄tha.

⁶⁶ Zwo ralo, avha vhanna vhavhili vha ḥangana. Huno nda tea u diswa phanda havho, ngauri vhu—vhumeme havho ho vha vhu tshi khou halifha, huno ho vha vhu tshi khou ntshea u bva thungo dzothe. Huno nda elekanya, “Naa ndi fanela u itani? Naa ndi tshini tshine ndi ita?”

⁶⁷ Zwino, zwo ralo, vha ri, “Zwo luga, ni fanela u ima na lithihi kana liñwe. Arali ni tshi khou yo ṭuwa na Dzina la Yesu, ni tea u vha Dzina la Yesu. Huno arali ni tshi ṭuwa na Khuvhangano dza Mudzimu, ni tea u ṭutshela kule ha Dzina la Yesu, huno na vha Khuvhangano dza Mudzimu, kana zwiñwe-vho.” Zwi swika fhethu hune nda tea u ita tsumbedzo ya luñwe lushaka.

⁶⁸ Ndo rabela nga maanda nga matsheloni ayo ndi sa athu tsela fhasi. Nda ri, “Mudzimu, nthuse. Ngauri, hu na vhanna vhavhili vhahulwane; hu na vhalanda vha zwigidi. Huno Wo nthumela ngeno nn̄da na mushumo. Huno vhuvhili havho ndi vhalanda Vhau. Huno ndi tea u posa ṭhuthuwedzo ṭhukhu-de ine nda vha nayo kha dzangano lithihi ngeno li tshi khou lwisa liñwe?” Ni a vhona? “Ndi—ndi nga si tou pfa ndo luga ndi tshi ita hezwo. A thi elekanyi uri lu do vha lufuno lwa Kristo kha nne u zwi ita.” Huno nda ri, “Mudzimu, nthuse nahone u nnee tshiñwe tshithu tshine ndi nga ita, kana nñee tshiñwe tshithu tshine nda do amba.”

⁶⁹ Huno zwenezwo ndo vha ndi si na muñwe. Nda sokou tea u ima henengei, hu tshi tou vha Murena Yesu na nñe, nga matsheloni ayo.

⁷⁰ Zwo ralo, khanedzano khulwane ya da. “Naa ni khou yo itani? Naa ni khou yo dzhia tshe—tshe—tsheo-de?”

⁷¹ Nda ri, “Tsheo yanga yo no di dzhiwa. Iyo, tsheo yanga, i do tea u ima vhukati ha vhuvhili hanu, huno ya sa vhe murado wa dzangano na lithihi; nahone nda amba, na zwanda zwo ni kuvhatedza vhuvhili hanu, ‘Rine ri vharathu.’” Ni a vhona? Ni a vhona, rine ri vharathu. Ni a vhona? Huno nda ri, “Ndo lingedza u vhala bugu dzothe dze nda kona, uri ili li da hani, le la vha li tshi vhidzwa ili ‘fhungo liswa,’ na uri vho dikhethekanya hani, na uri zwi da hani uri ili liñwe li thome nga iyi ndila na nga iyo ndila.” Huno nda ri, “Nga dzikhani vhukati hanu,” nda ri, “itsho ndi tshenetsho tshithu tshithihi

tsho kwashaho ndangulo ya pentekoste, nga duvha...nga murahu ha Pentekoste. Vha thoma u tatisana nga tshavho.” Huno nda ri, “Tshithu tshi a khethekanya hafhu.”

⁷² Nda ri, “Naa hu na khonadzeo ya uri ho vha hu tshi nga vha na zhendedzi vhukati hañu, inwi vharathu? Naa hu na tshinwe tshithu tshe—tshe tsha vha tshi tshi nga ima?”

⁷³ Zwo ralo, a vho ngo vula mulomo wavho kha heļo, ngauri lo vha lo halifha nga maanda. Ni a divha, kha miňwaha i no ḥodou lingana fumiňhanu, fumbili yo fhiraho, uri zwo vha zwi hani, ngauri tshigwada tshithihi tsho vha tshi tshi kha di bvou dibvisa kha tshinwe, huno ho vha hu na mufhirifhiri nga maanda.

⁷⁴ Ngauralo nda ri, “Zwo luga, vharathu, ngezwi zwine nda khou yo ita. Ndi khou yo...Mudzimu na kathihi ho ngo nthuma u lovhedza, naho zwo ralo. O nthuma uri ndi rabelele vhana Vhawe vha lwalaho.” Nda ri, “Ngauralo, ndi khou ya u—u rabelela vhana vha lwalaho, huno vhoiñwi vhashumeli itani u lovhedza hañu,” nda ralo.

⁷⁵ Nda ri, “Zwino ndi ḥodou ni vhudzisa tshinwe tshithu, u tou itela uri ni pfesese.” Nda ri, “Mukomana Ness, avha vhatru vha Dzina ja Yesu, naa ni a tenda uri vho no tanganedza Muya Mukhethwa musi vha tshi amba nga dzindimi nahone vha ita zwenezwo zwithihi zwine vhoiñwi kha Khuvhangano dza Mudzimu na ita?”

Ha pfi, “Zwa vhukuma.”

⁷⁶ Nda ri, “Mukomana Scism, naa ni a tenda uri Khuvhangano dza Mudzimu dzi na Muya Mukhethwa musi dzi tshi amba nga dzindimi nahone dza ita zwenezwo zwithihi zwe na ita kha ndovhedzo?”

A ri, “Ngoho, ndi ralo.”

⁷⁷ Nda ri, “Zwino, Bivhili yo ri, ‘Mudzimu u nea Muya Mukhethwa avho vha no Mu thetshelesa.’ Zwino, ndi nnyi o Mu thetshelesaho? Ndi nnyi o Mu thetshelesaho? Ndi ufhio wanu o Mu thetshelesaho? Huno Mudzimu vhuvhili hañu o ni nea Muya Mukhethwa, ni a vhone.”

⁷⁸ Nda ri, “Naa ni nga amba, Mukomana Scism, zwauri Mukomana Ness ho ngo wana Muya Mukhethwa?”

Ha pfi, “Hai.”

⁷⁹ Nda ri, “Naa ni nga amba zwauri Mukomana Scism ho ngo wana Muya Mukhethwa?”

⁸⁰ “Hai.” Ni a vhone? Zwauri, vhuvhili havho vho tenda uri muňwe na muňwe wavho u na Muya Mukhethwa.

⁸¹ Fhedzi, ni a vhone, a zwi tou pfala, vharathu. A zwi pfali. Huno nda pfa, ngavhuyanyana u bva afho... .

Ndi do vhuyeleta kha kuvhonele kwanga nga tshifhinganyana.

⁸² Vharathu vha Finland nga hafha, nga murahu ha musi ndo no ḥuwa Finland; he Mudzimu a ri nea, tshe nda elekanya, muṇwe wa mitangano yashu mihulwane. Henefho he mutukanyana, o faho a vuswa, na zwithu zwinzhi. Ndo tangana ngei Stockholm, Sweden, na Lewi Pethrus wa tshivhidzo tsha Filadelfia henengei ane a vha munna muhulwane wa Mudzimu, na tshivhidzo tsha Filadelfia. Mukomana Gordon Lindsay, we zwino a vha . . . ndi a elekanya. A thi elekanyi uri u watsho zwino, fhedzi o vha e wa Khuvhangano dza Mudzimu.

⁸³ Huno Khuvhangano dza Mudzimu ndi tshiñwe tsha vhalabedzi vhanga vhahulwane, kha dzitshaka. Huno Foursquare, tshe tsha vha tshi tshi bva kha Khuvhangano dza Mudzimu, ndi tshiñwe tsha vhalabedzi vhanga vhahulwane. Vhuthihi, kha dzitshaka, ndi tshiñwe tsha vhalabedzi vhanga vhahulwane. Ni a vhona? Huno ndo tou dzhia uvho vhuimo, ndi tshi khou litsha fhedzi vhumeme vhu re na vhuhali, huno-ha nda dzhia vhuimo, ha uri a thi nga dzhii vhuimo kha liñwe la masia a u ṭaṭa khani uho. U swika ri tshi kona u vhona ur̄i ri vhakomana, huno ra kuvhangana, huno-ha ri do—ri do vhona roṭhe ukwo kuvhonele kwonokwo kuthihi kwo livhanaho heneffo, kwa uri ri khou ḫa kha, tshiṭuwedzi na ndivho ya u ita nga u ralo.

⁸⁴ Huno ni—ni fanela u lingulula tshiṭuwedzi na ndivho yanu, u thoma. Tsha u thoma, wanani lufuno lwa Mudzimu; huno-ha ni wane ndivho yanu; huno-ha ni lingulule tshiṭuwedzi tshañu huno ni vhone arali tshiṭuwedzi tshañu tsho luga. Zwenezwo, vhunga Yesu o amba kha Marko 11:24, “Arali na amba na iyi thavha, ‘sudzuluwa,’ huno na sa timatime mbiluni yanu.” Fhedzi musi ni tshi kha di vha na u timatima mbiluni, uri kana ndi lufuno lwa Mudzimu, kana tshiṭuwedzi tshañu kana ndivho yo khakhea, naa i khou yo sudzuluwa hani? Fhedzi musi ni tshi divha uri tshiṭuwedzi tshañu tsho luga, huno ndi lufuno lwa Mudzimu, nahone ndivho yanu yo luga, i tea u sudzuluwa. Ndi zwenezwo fhedzi, kana Mudzimu o amba tshiñwe tshithu tsho khakheaho.

⁸⁵ Itsho ndi tshone tshiitisi, musi ndi tshi ya kha pulatifomo, zwivhidzoni, a hu na we a mpfa ndi tshi bula izwo zwithu kha pulatifomo na kathihi, ayo mafhungo. Ndi tou a litsha o ralo. Ni a vhona, izwo zwi kha, vhoiñwi vhanna. Ni a vhona? Ndi fhano u ni thusa u wina mimuya kha Kristo, nga tshifhiwa Tshikhethwa, ni a vhona. Ni a vhona? A zwi iti phambano . . . Vhoiñwi itani ndovhedzo yanu. Fhedzi-ha musi zwi tshi ḫa . . .

⁸⁶ A hu na zwiñwe, ndo no vhidzwa tshiñwe na tshiñwe. Ndo no vhidzwa, a thi ḫivhi uri zwingana, huiñwe na huiñwe u bva kha ene—ene “murwa wa Mudzimu ḫamani” u tsela fhasi kha ene—ene “diabolo.” Izwo ndi zwone, tshiñwe na tshiñwe. Fhedzi, naho izwo zweṭhe zwi hone, ndi mukomana wañu, muthu a re mudzulapo wa Muvhuso wa Mudzimu; ndi tshi khou shuma na vhoiñwi noṭhe, u itela Muvhuso. Huno izwo ndi ngoho.

⁸⁷ Zwino ndi do ralo, arali zwo luga, nahone ni tshi elekanya uri ri na tshifhingga tsho edanaho, ndi do takalela u ni vhudza uri izwo ro zwi rera hani. Naa zwi do vha zwo luga, vharathu, lwa tshifhinganyana fhedzi? [Vhashumeli vha ri, “Bvelani phanda. Ngoho.”—Mudz.] Mukomana, Mukomana Ness na vhañwe... Zwo luga. Huno zwi nga di vha zwiñkuñku zwine zwa do ni thusa. Zwi do ni thusa u pfesesa, nga u tou ralo.

⁸⁸ Ndo nñwala fhasi, hafha, zwiñwe zwa zwithu zwe nda zwi elelwa. Zwo thoma heneffo. Huno ngauralo vha mmbudzisa, zwe nda tenda nga ha “vhuraruthihi,” naa ndo tenda uri ho vha hu na “vhuraruthihi” ha Mudzimu?

⁸⁹ Zwino, vharathu, musi ri tshi sendela kha hezwi, ndi a fulufhela uri, musi izwi zwo no fhira, ri do vha vhenevho vharathu vhathihi vhe ra vha ri vhone misi yothe. Ni a vhona? Fhedzi ndi a pfa uri ndi tea u ni livhuwa, ngauri vhathu vha vhoiñwi vha da miñganonì yanga, huno zwa vhukuma ndi nga si ñode u ñuwisa muñwe wavho, o fhurwa.

⁹⁰ Huno tshifhingga tshothe ndo vhudza vhatu vha no nñwalela dzimbudziso, nga nnnda ha zwine nda rera kha pulatifomo... Huno muñwaleli wanga ngoyu, na vhañwe-who. Arali vha tshi mmbudzisa mbudziso, “Mini-ha nga ha *hetshi*, kana mini-ha nga ha *itsho?*”

⁹¹ Ndo ri, “Vhudzisani mufunzi wanu, ni a vhona. Ngauri, arali o ni ranga phanda u swika hafha, u swika no no tanganedza Muya Mukhethwa, u do ni dzhia na ya phanda, ni a vhona. Inwi, ni a vhona, inwi vhudzisani mufunzi wanu.” Ngauri, zwithu zwiñku zwo ralohu zwi vhanga ndado, huno ngauralo-ha ndi ñutshela kule hazwo, ni a vhona.

⁹² Zwino, nahone ndo no ambiwa uri ndo vha ndi mu—mulwi wa madzangano. Zwino, a thi ene. Ndi elekanya uri madzangano a a mangadza, fhedzi musi sisteme yañu ya dzangano i tshi tshinyala, izwo ndi zwine nda lwa nazwo. Ni a vhona? A hu londwi uri ndi vhuthihi, kana—kana ndi vhuraruthihi, kana tshiñwe na tshiñwe tshire tsha vha tshone, sisteme; uri musi ni tshi swika fhethu, inwi zwino... huno na ri, “Ri Khuvhangano dia Mudzimu.”

“Zwo ralo, ndi nnyi uña seli ha tshitaraña?”

⁹³ “Oo, avho ndi vharathu vhashu. Vha—vha vhidzwa Pentekostaña yo Whumbanaho.”

“Zwo ralo, ndi nnyi uña a re hangei?”

⁹⁴ “Oo, avho ndi vharathu vha Foursquare. Oo, ri vharathu vha mangadzaho. Ri na vhuñama vhuhulwane, nga tshashu.”

“Oo, nothe ni tenda zwenezwo zwithihi?” “Oo, ee, ri a tenda.”

“Zwino, zwo ralo, naa ndi mini tshi no ni ita nga ndila heyi?”

⁹⁵ “Ndi zwone, *avha* vharathu vha lovhedza nga ndila *heyi*. Huno *avha* vha lovhedza nga ndila *heyi*, vho ri furalela. Huno *avha* vha lovhedza . . .”

⁹⁶ Vhunga henengei kha la Afurika Tshipembe, mukomana, ri gidima n̄ha ha zwenezwo. Vho mmbudzisa. Tshiñwe tshigwada tshi lovhedza luraru, tshifhañuwo tshi tshi ya phanda. Huno tshiñwe tshi lovhedza luraru, tshifhañuwo tshi tshi ya murahu. Huno vho ri . . . ndo ri, “Naa izwo ni zwi wanafhi?”

⁹⁷ Muñwe a ri, “Musi A tshi fa, Bivhili i ri O yela phanda,” huno a ri, “ngauralo-ha ri tea u vha isela phanda.”

⁹⁸ Huno nda ri, “Zwo luga,” kha tshiñwe tshigwada, “naa tsho itani . . . Mini-ha nga ha inwi?”

Ha pfi, “Naa no no vhuya na swiña munna tshifhañuwo tshawe tsho tsela fhasi?”

⁹⁹ Zwo ralo, huno ni a ñivha uri mini? Vho dikhethekanya huno vha ita zwigwada zwivhili, madzangano mavhili. Oo, khathutshelo, vharathu! Izwo zwi tou vha zwine diabolo a toða. Izwo zwi tou vha zwine a toða. Iina. Diwaneleni . . .

¹⁰⁰ Zwino, ni a vhona, a si Vhurumiwa ha Lutendo lwa Vhaapostola, kana—kana hu nga ñi vha Khuvhangano dza Pentekoste, kha liñwe sia. A si hezwo. Hu na vhanna vhavhudzi kha izwo zwigwada zwivhili, vhunga zwine zwa vha hafha. Fhedzi, ni a vhona, ndi sisteme ya tshithu.

¹⁰¹ Zwi tou fana na Mukatolika, vhunga ndo no amba lunzhi. Arali e Mukatolika, nahone a tshi khou ñitika nga Kristo kha tshidzo, o tshidzwa. Zwa vhukuma, izwo ndi zwone. Arali a tshi khou ñitika nga tshivhidzo, o xela. Huno muñwe wa vhoiñwi vharathu-vho vha pentekoste u a ñivha, arali ri tshi khou sedza kha tshivhidzo tsha Pentekoste u ri tshidza, “vhukati ha vhathu, ri, vha tungufhadzaho nga maanda,” izwo ndi zwone, ngauri ro xela. Izwo ndi zwone.

¹⁰² Fhedzi arali ri tshi khou sedza kha Yesu Kristo, zwenezwo ro tshidzwa, “nga lutendo lwanu,” (ulwo, mini?) mushumo wo khunyeledzwaho. Huno izwi zwithu zwiñuku zwi no khou shuma, na zwikuni, a zwi iti phambano khulwane.

¹⁰³ Zwino, ndo ri kha Mukomana Scism, kha . . . na Mukomana Ness, “U fhindula mbudziso yanu,” nda ri, “zwino, a thi dzhii liñwe la masia na vhoiñwi vharathu. Huno ndi a ñivha, samusi ni tshi taña khani, vhuvhili hanu no khakha. Ni a vhona? Ngauri, ndi nga ñamba nda vha a khakhaho kha pfunzo yanga, huno nda vha o lugaho mbiluni yanga, vhudzuloni ha u vha o lugaho kha pfunzo yanga, nahone nda vha a khakhaho mbiluni yanga.” Ni a vhona? Nda ri, “Itali, ndi nyimele ya mbilu yanu.”

¹⁰⁴ Huno izwo ndo zwi ita ndowedzo, u ñivha hezwi: zwauri, arali munna, hu sa londwi zwine a ita, na uri o fhambana zwingafhani, na zwine a amba nga ha nñe; arali mbiluni yanga,

zwi sa bvi kha u diṭhadula, fhedzi zwi tshi bva mbiluni yanga ndi nga si kone u funa uyo munna vhunga ndi tshi funa muñwe muthu-vho, zwenezwo ndi a divha uri hu na tshiñwe tshithu tsho khakheaho ngomu hafha, ni a vhona. Izwo ndi zwone, ngauri, ndi—zwi... a hu londwi arali a . . .

¹⁰⁵ Murathu muṭuku o da, a si kale, murathu muṭuku wa Tshivhidzo tsha Kristo. Huno, oo, a ima henefhala, huno a ri, “Hoyu muthu ndi diabolo.” Ni a vhona? A ri, “U amba nga ha Muya Mukhethwa.” A ri, “A hu na tshithu tsho raloho. Vhone, ndi zwone, vhaapostola vha fumi na vhavhili fhedzi vho ḥanganedza Muya Mukhethwa. Huno—huno phodzo ya Muya yo ḥewa fhedzi avho vhaapostola vha fumi na vhavhili.” Huno a bvela phanda, lune lwa ḥodou lingana hafu ya awara.

¹⁰⁶ Huno nda ri, “Lwa tshifhinganya, mukomana. Ndi elekanya uri ni fanela u nne a tshikhala tsha u lwela Heyi, ni a vhona.” Nda ri, “No amba zwauri no amba he Bivhili ya amba, huno na fhumula he Ya vha yo fhumula.”

Huno a ri, “Ri ralo.”

¹⁰⁷ Nda ri, “Zwino, no ri ho vha hu tshi tou vha na vhaapostola vha fumi na vhavhili vho ḥanganedzaho Muya Mukhethwa. Bivhili yo ri, ‘Ho vha hu na vha ḥafumbili lufherani lwa nga nthā musi Muya Mukhethwa u tshi wa, vhasadzi na vhothe.’ Huno ni do hana u mmbudza, naa ni elekanya uri Paulo o vha a si na Muya Mukhethwa? Huno o U wana tshifhinga tshilapfu nga murahu ha hezwo, ni a vhona. Huno no ri, ‘Tshifhiwa tsha phodzo tsho ḥewa fhedzi vhaapostola vha fumi na vhavhili.’ Huno Stefano o tsela fhasi, nga murahu ha mađuvha a si gathi, huno o vha a si muñwe wa vha fumi na vhavhili. Nahone o vha a si mureri. O vha e mudikoni, huno a tsela fhasi Samaria nahone a pandela vhodiabolo.” Huno nda ri, “Oo, mukomana!” O vha o fhumula nga maanda henehafha, iina, he na do tea u i vhulunga.

¹⁰⁸ Huno nga murahu ha musi two no fhela, “Fhedzi,” nda ri, “Ndi a ni hangwela zwe na mmbidza diabolo, ngauri ndi a divha uri no vha ni sa khou amba hezwo.”

¹⁰⁹ Huno musi o no fhedza, a da. A ri, “Hu na tshithu tshithihi tshine ndi nga amba. Ni na Muya wa Kristo.”

¹¹⁰ Nda ri, “Zwino, mukomana, ndi mini tshire nda vha tshone, diabolo kana Kristo?” Ni a vhona? Ni a vhona?

¹¹¹ Fhedzi ndi a ni vhudza, ni a vhona, ngauri uyo munna, o kona u amba zwauri ndi a mu funa; hu sa londwi, uri o vha a tshi hanedza, nahone a tshi hanedza lu ofhisaho nahone a tshi sasalandza. O . . .

¹¹² Ndi muzwimi, nahone wa phukha dza daka, vhutshiloni hanga hothe. Huno vhathu vho ri, “Hani...” Tshīla tshifhinga tshe nda do tea u vhulaha tshīla tshivhingwi, nga lufhangwa, ni a vhona. Ha pfi, “Naa no vha ni sa tshi ofhi?”

¹¹³ Nda ri, “Hai. Arali ndo vha ndo tshi ofha, tsho vha tshi tshi do mmbulaha, ni a vhona.”

¹¹⁴ Fhedzi, ni a vhona, ni nga si–ni nga si zwi fhure. Zwi a divha uri kana ni a zwi ofha, kana hai. Inwi na ofha bere, huno na sedza zwine bere ya do ita, i do ni kandekanya. Ni a vhona? Ngauralo arali ni tshi ofha... Ni nga si i fhure. Vhukuma ni do tea u zwi wana.

Huno iyo ndi ndila ine zwa vha ngayo kha Sat̄hane.

¹¹⁵ Iyo ndi ndila ine zwa vha ngayo vhukati ha vhathu. Ni tea u funa vhathu. Ni nga si tou fhura lini. Ni tea u vha naho, kana mivhala yanu i do sumba huiwe fhethu, ni a vhona. Izwo ndi zwone. Zwa vhukuma ni tea u funa vhathu, huno vha a zwi divha uri ni a vha funa. Ni a vhona, hu na tshīnwe tshithu nga hazwo.

¹¹⁶ Huno munna zwino, a vhidza mufumakadzi wanga, mađuvhani a si gathi o fhiraho, huno a ri, “Naa Mukomana Branham u benefho?”

Ha pfi, “Hai.”

¹¹⁷ Ha pfi, “Zwo ralo, tshithu tshithihi tshire nda do tea u tshi amba. Ndo hanedzana nae, kha theolodzhi, fhedzi ndi ri ene ndi mulanda wa Kristo.”

¹¹⁸ Zwo ralo, zwenezwo, nahone-ha ndi sa athu ṭuwa, a nthumela luñwalo, huno a ri, “Ndi khou da, musi ni tshi tou vhuya. Ndi khou ṭoda iyo ndovhedzo ya Muya Mukhethwa ine na khou amba nga hayo.”

¹¹⁹ Ngauralo, ni a vhona, benefho fhedzi arali no vha ni tshi do vha... Arali ndo vha ndi tshi do vha ndo vha na uvho vhudipfī, ha u ri, “Mulandu, a hu na tshithu kha inwi. Dinomineisheni yanu ya kale a yo ngo luga, na—na vhoiñwi vhathu vhothe vha Tshivhidzo tsha Kristo a no ngo luga. Vhoiñwi a no ngo luga. Vhoiñwi ni—vhoiñwi ni vhodiabolo.” Ndo vha ndi tshi do vha ndi songo wina uyo munna na kathihi. Huno arali ndo vha ndi tshi do vha ndo mu vhudza uri ndi a mu funa, huno ndo vha ndi sa khou ralo mbiluni yanga, o vha a tshi do vha o divha zwa khwine. Ndi zwenezwo fhedzi khazwo. Ni tea u zwi amba zwi tshi bva mbiluni.

¹²⁰ Huno izwo ndi zwa masiku ane nda bva kha iyo pulatifomo, ndi kha uvho vhūlukanyi, ni a vhona. A thi elekanyi nga hazwo. Ndi tou sa la, u bva nga tshifhinga tsha tshiswīlulo; huno nda didzima nahone nda rabela, huno nda dzula lufherani. Ngauri, O mpfulufhedzisa uri U do zwi ita. Huno ngauralo-ha ndi ya ndi si na na u timatima na huthihi, ngauri O fulufhedzisa uri U do zwi ita. Ngauralo-ha, ni a

vhona, tshanga...ndi a divha uri tshitutuwedzi tshanga ndi (mini?), ndivho yanga ndi (mini?), u itela mvelaphanda ya Muvhuso wa Mudzimu.

¹²¹ Arali muthu a tshi tuwa nga ndila *iyi, iyo* ndila, tshivhidzo tshinwe na tshinwe tshire a ya khatsho; musi a tshi khou di da kha Kristo, a hu na thaidzo kha nne. Huno izwo zwi mbiluni yanga. Ni a vhona? Huno a hu na thaidzo, arali ri tshi tuwa nahone ra vha mirado ya Tshivhidzo tsha Kristo, izwo zwi tou vha zwone. Izwo ndi zwavhuđi. Arali a... Tshivhidzo tshire a vha murado watsho, a hu na thaidzo kha nne. Fhedzi musi ndo wina myua wawe kha Kristo, ndi tshone tshithu tshihulwane.

¹²² Ngauralo nda ri, “Mukomana Ness, hu si u vha o fhambanaho...” Zwino ndi khou yo... Naa two luga u shumisa *itshi*, mukomana? [Mukomana u ri, “Ngoho.”—Mudz.] Nda ri, “Ndi ḥodou amba nahone nda ḥalutshedza.” Huno, kha hezwi, ndi nga di amba na vhoiwi vhakomana hafha. Zwino, hezwi ni songo zwi buka vhubati ha zwivhidzo zwanu. Arali ni tshi funa, huno na nnea thuso, itonu—itonu—itonu nniditsa ndi tou vha mukomana wa vhoiwi. Ni a vhona? Huno nqe, huno arali—arali ndo khakha, zwenezwo ni nkhangwele. Fhedzi ndi ḥodou ni ḥalutshedza, nga uri ha vha na vhubili ha zwigwada two dzulaho hafha matsheloni ano, vhubili hazwo zwa Vhubili na dizi—Dzikhubhangano, na dzone, na lutendo lwa vhuraruthihi.

¹²³ Zwino ndi ḥodou ita itshi tshitatamennde. Ndi ḥodou ri ndi a tenda uri masia othe vhubili hao o khakha, musi vha tshi kha di ḥatisana nga tshavho, ngauri zwitutuwedzi zwavho two khakhea. Huno musi zwitutuwedzi zwanu zwi tshi kha di vha two khakhea; hu si na thaidzo ya uri ndivho yanu ndi ifhio, fhedzi zwitutuwedzi zwanu kha iyo ndivho two khakhea, zwenezwo na kathihi zwi nga si shume. Izwo ndi zwone.

¹²⁴ Zwino, vhaiwe vhatu who ri, “Mukomana Branham, inwi ni Yesu Fhedzi.” Ndi ḥodou amba zwauri izwo ndi vhukhakhi. A si nne Yesu Fhedzi.

¹²⁵ Muňwe muthu u ri, “Mukomana Branham, inwi ni muraruthihi?” Hai, muňe wanga. A si nne muraruthihi. Ndi Mukriste. Ni a vhona? A—a—a thi... Ipfi muraruthihi a li vhuyi la bulwa Bivhilini, ipfi “vhuraruthihi.” Nahone a thi tendi uri hu na Midzimu miraru.

¹²⁶ Ndi tenda uri hu na Mudzimu muthihi nga zwidulo zwiraru; Khotsi, Murwa, Muya Mukhethwa. Izwo ndi ngazwo kokotolo ro ḥewa ndaela ya u lovchedza nga Dzina la Khotsi, Murwa, Muya Mukhethwa. Ndi tenda uri ndi Mudzimu a tshi khou tsa, a tshi tsela phasi.

¹²⁷ Zwino, Mudzimu, musi A tshi bvelela kha muthu lwa u thoma, O vha e nga tshivhumbeo tsha Khavhu ya Mulilo. Ni a zwi

tenda izwo, a ni ralo? Ene... Muñwe muñwali-vho wa Bivhili a no divha uri Khavhu ya Mulilo ye ya vha i sogani yo vha i Logos, uri iyo yo vha i Muruñwa wa Mulanga, we a vha e Kristo.

¹²⁸ Ngauri, O ri... O vha e... Yo vha i si... ndi tenda uri ndi Yohane Mukhethwa 6 henefho, O ri, "Abrahamu a sa athu vha hone," wa "A RE HONE." O vha e "A RE HONE."

¹²⁹ Ngauralo, uyo o vha e Mudzimu, mukhethwa; naho arali muthu o kwama thavha, u fanela u vhulawa, ni a vhona. Zwo luga. Zwino, onoyo Mudzimu muthihi o vha a tshi khou lingedza u Dishumisa murahu ngomu ha tshivhumbwa Tshawe tshe A sika. Zwino, Ho ngo kona u da tsini navho, ngauri vho vha vhe vhavhi, huno malofha a dzimbudzi na nngu ho ngo tuwisa tshivhi na kathihi. Izwo ri a zwi divha. O tou fukedza tshivhi.

¹³⁰ Zwino, fhedzi-ha onoyo Mudzimu muthihi we a vha e Khavhu ya Mulilo, O vha nama, nga kha Murwa Wawe, huno a dzula muvhilini u no pfi Murena Yesu Kristo. Bivhili yo ri, "Kha Ene hu dzula u khunyelela ha Vhumudzimu lwa tshivhili." Nahone Yesu o amba kha... Ndi zwone, kha Timotheo Ya U Thoma 3:16, "Hu si na dandetande, ndi tshihulwane tshiphiri tsha u ofha Mudzimu." Huno arali vho kona u tshi vhidza tshihulwane, mulandu, ndi mini zwe ra vha ri tshi nga ita, ni a vhona? "Ndi tshihulwane tshiphiri tsha Mudzimu, ngauri Mudzimu o vhonadzwa namani, huno a vhonwa nga vharuñwa, nahone a tanganedzwa Vhugalani," na zwiñwe-vho. Zwino, nahone O amba kha Yohane Mukhethwa 14, na Thoma, "Musi no vhona Nñe, no vhona Khotsi. Huno ndi ngani u tshi ri, 'Ri sumbedze Khotsi?'" Bivhili yo amba, zwauri, "Mudzimu o vha e kha Kristo, a tshi khou Dipfumedzanya na shango."

¹³¹ Zwino, Mudzimu a nga si vhe vhatu vhararu, Midzimu miraru. Na ene Yesu a nga si vhe Khotsi A Ene mune, kha muthihi. Ni a vhona? Ngauralo, ni a vhona, zwi ita uri vhuvhili hazwo zwi vhe zwe khakheaho nga maända.

¹³² Zwino, huno zwino arali ni tshi nga tou dzhiela nzhele, a hu na fhethu... Arali ri na Midzimu miraru, ri vhahedeni. Zwino, izwo ri a zwi divha.

¹³³ Vhunga Muyuda o ri kha nñe nga tshiñwe tshifhinga, musi ndo vha ndi tshi khou amba nae, a ri, "Ndi ufhio wavho ane a vha Mudzimu wanu? Ndi ufhio ane a vha Mudzimu wanu; Khotsi, Murwa, kana Muya Mukhethwa? Ndi ufhio a re wanu?"

Huno nda ri, "Malandu, a hu na Midzimu miraru."

¹³⁴ A ri, "Ni nga si reme—reme Mudzimu a bva zwipiða zwiraru huno na Mu nekedza Muyuda."

Nda ri, "Hai, muñe wanga." Nda ri...

¹³⁵ Musi John Rhyn o no fhodzwa vhupofu, henengei Fort Wayne, ni a divha; huno uyu rabi afha nñha Mishawa... kana kha Fort... Benton Harbor. O ri, "Ni nga si reme Mudzimu a bva zwipiða zwiraru huno na Mu nekedza Muyuda."

¹³⁶ Nda ri, “Zwa vhukuma hai. A thi ralo.” Nda ri, “Rabi, zwi nga vha kondela u tenda vhaporofita?”

A ri, “Hai.”

¹³⁷ Nda ri, “Kha Yesaya 9:6, o vha a tshi khou amba nga ha nnyi, ‘Ro bebelwa Nwana, Murwa o nekedzwa, u do vhidzwa Mu-laya-vhuçolo, Mudzimu wa Maanda, Mukololo wa Mulalo?’”

A ri, “Uyo o vha e Mesia.”

Nda ri, “Zwenezwo, rabi, vhushaka ha Mesia kha Mudzimu vhu do vha vhufhio?”

A ri, “U do vha Mudzimu.”

¹³⁸ “Izwo ndi zwe nda elekanya.” Ni a vhona? Zwino, ni a vhona, izwo ndi zwone kokotolo. Izwo ndi zwine A vha zwone. Huno ngauralo nda ri, “Mmbudzeni zwino he Yesu a kundelwa u khunyeledza kokotolo zwe muporofita a amba uri U do zwi ita.” Huno a thoma u lila na u mona-mona. Nda ri, “Nga Izwo, John Rhyn u a vhona.” Ni a vhona?

Huno a ri, “Kha zwi vhe kule na Mudzimu zwa u vha na murwa!”

¹³⁹ Nda ri, “Jehovah muhulwane o tsira musadzi, vhunga muporofita o amba uri U do ralo, nahone a sika sele ya Malofha. Huno nga kha iyo sele ya Malofha ndi hune ha bva muvhili wa Kristo.”

¹⁴⁰ “Sedzani, kha Testamente Ndala, Rabi,” nda ri, “musi munna o ya u ita tshidzimu, o dzhia ngwana. O zwi divha uri o vunda milayo ya Mudzimu, ngauralo a dzhia ngwana. A bula zwivhi zwawe, huno iyi ngwana ya vhulawa. Musi... zwanda zwawe zwi kha ngwana; u bula hawe ha uri o zwi divha uri u tea u fela tshivhi tshawe, fhedzi ngwana yo vha i tshi khou dzhia fhethu hawe. Huno sele ya malofha ya kwashea; huno a fara ngwana thukhu nga tshanda tshawe u swika a tshi pfa vhutshilo hayo vhuçuku vhu tshi bva khayo, nahone ya oma. Zwenezwo tshifhe, a hu na zwiñwe, a posela malofha kha—kha mulilo, alitari ya musinaseña ya khatulo.”

¹⁴¹ Zwenezwo nda ri, “Uyo munna, zwenezwo, a bva heneffo, a tshi divha zwauri ngwana yo dzhia fhethu hawe, fhedzi a bva e na lwonolula lutamo luthihi lwe a vha e nalwo musi a tshi dzhena, ni a vhona, ngauri a yo ngo kona u tuwisa tshivhi. Ni a vhona? Fhedzi, zwenezwo, ili fhungo, ‘Murabeli o no tanzwiwa, ha tshe na luvalo lwa tshivhi.’ Heneffo, ho vha na tshidzimu tshe tsha itwa ñwaha muñwe na muñwe. Fhedzi,” nda ri, “zwino hu na tshino tshifhinga, ‘murabeli o no tanzwiwa, ha tshe na luvalo lwa tshivhi.’ Ngauri...”

¹⁴² “Sedzani, Rabi. Ngomu ha hemoglobin, uvho vhutshilo vhuçuku vhune ha thoma ngomu ha sele, ine ya bva kha mbeu ya munna, ya dzhena kha musadzi. Huno wa musadzi

u bveledza gumba; fhedzi, phambo i nga vhetshela gumba, fhedzi arali i songo vha na tshiñoni tsha tshiduna, na kathihi i nga si thothonye.”

¹⁴³ Huno nda ri, “Zwenezwo Mudzimu, muhulwanesa we a ðadza tshifhinga tshoþhe na tshikhala, o vha fhasi a vha kutshili kuþuku kha mbumbelo ya musadzi.” Huno zwenezwo nda ri, “Musi ri tshi tshidzwa ñamusi... Yesu o vha e si Muyuda kana Wannda, ngauri gumba lo bveledza ñama fhedzi. Malofha o vha e na Vhutshilo. Ngauralo ri—ri... Bivhili yo ri, ‘Ri tshidzwa nga Malofha a Mudzimu.’ Ni a vhona, O vha e si Muyuda kana Wannda; O vha e Mudzimu. Ngauralo-ha, musi ri tshi da kha álitari huno ra vhea zwanda zwashu, nga lutendo, kha þoho Ýawe, huno ra pfa u kheruwa na vhutungu Khalivari, huno ra bula zwivhi zwashu, uri ro khakha, nahone O fa fhethu hashu!”

¹⁴⁴ “Zwenezwo, ni a vhona,” nda ri, “malofha a iyo ngwana ho ngo kona u vhuyeleta kha hetshi, malofha e a... Sele yo kwashaea, huno vhutshilo he ha bva, nga u kwasha iyi sele ya malofha ya ngwana, a ho ngo kona u vhuyeleta kha murabeli, ngauri ho vha hu vhutshilo ha phukha, huno a ho ngo kona u aðdana na vhutshilo ha muthu.”

¹⁴⁵ “Fhedzi nga tshino tshifhinga, musi iyo sele ya Malofha i tshi kwashaea, yo vha i sa tou vha muthu fhedzi. Uvho ho vha vhu Vhutshilo ha Mudzimu, ho bviswaho. Huno musi murabeli a tshi vhea zwanda zwawe, nga lutendo, kha Murwa wa Mudzimu, huno a bula zwivhi zwawe; hu si vhutshilo ha muñwe muthu, fhedzi Vhutshilo ha Mudzimu vhu vhuyeleta ngomu ha hoyu muthu, vhune ha vha Vhutshilo Vhu Sa Fheli. Ipfi Zoe, li þalutshedzwaho sa, ‘Vhutshilo ha Mudzimu Ene mune.’ Huno O ri U ðo ri nea Zoe, Vhutshilo Vhu Sa Fheli, huno zwino ri vharwa na vhananyana vha Mudzimu. Khezwo.”

¹⁴⁶ Nda ri, “Zwino ndi mini? Ndi Mudzimu, a tshi khou tsa. O ða, lwa u thoma; ‘a hu na muthu we a kona u Mu kwama,’ ngauri muthu o tshinya. Zwenezwo A tsela fhasi e kha muvhili, ‘uri a kone u thetshela tshivhi... u dzhia tshivhi.’ Ni a vhona, Ene, tshithu fhedzi tshe Mudzimu a kona u ita, uri a vhe o lugaho, ho vha u tshi ita nga iyo ndila.”

¹⁴⁷ Sa tsumbo, mini-ha ndo vha ndi na vhulamukanyi ha avha vhathetshelesi matsheloni ano, vhunga he Mudzimu a vha naho kha lushaka lwa vhathu, huno nda ri, “Muthu wa u thoma a no sedza iyo pala, u a fa,” huno Tommy Hicks a i sedza? Zwino, sa tsumbo, ndi dzhia Carl-... “Mukomana Carlson, inwi ni a mu fela.” Izwo zwi nga si vhe zwe luga. Ndo vha ndi tshi ðo ri, “Leo, inwi ni muñwaleli wanga; inwi ni a mu fela.” Izwo zwi nga si vhe zwe luga. “Billy Paul, murwa wanga, inwi ni a mu fela.” Izwo a zwe ngo luga. Ndila i yoþhe ine ndi nga vha o lugaho, ndi u dzhia vhuimo hawé nñe muñe.

¹⁴⁸ Huno izwo ndi zwe Mudzimu a ita. Ene, Mudzimu, ndi Muya. Huno O sika...Ene, O shandukisa tshivhumbeo Tshawe. Tshi fanela u vha tshi tshi mangadza, kha vhathu, u elekanya nga ha Jehovah mułuku. O vha a tshi nga vha o kona u da, e munna o aluwaho tshothe, fhedzi U da mukungwani, nthia ha thulwi ya manyoro. Jehovah mułuku, a tshi khou lila sa lushie. Jehovah mułuku, a tshi khou tamba sa mutukana. Jehovah mułuku, a tshi khou vhađa, sa mushumi. Jehovah mułuku, e kha vhukale ha muswa. Jehovah, o nembelela vhukati ha maładulu na lifhasi, na mapulo a phuli dzo kambiwaho na mare a maswole kha tshifhatuwo Tshawe. Jehovah, a tshi khou fela vhana Vhawe. Jehovah, a tshi khou fela, u rengulula; hu si muñwe muthu, fhedzi Mudzimu Ene muñe! Ni a vhona, Mudzimu, itsho tsho vha tshi tshidulo Tshawe. Mulandu? U khou lingedza u vhuyeleta kha mbilu dla vhathe.

¹⁴⁹ Zwino, a ro ngo kona u Mu kwama, *Hangei. Hafha*, ro Mu phuphuledza nga zwanda zwashu. Zwino O itani, nga tshidzimu tsha uyo muvhili? U vha Jehovah *ngomu* hashu. Ri zwipida Zwawe. Nga Duvha la Pentekoste, Khavhu ya Mulilo yo Diphamukanya, huno ndimi dla Mulilo dla kavha kha muñwe na muñwe wavho, dzi tshi sumbedza uri Mudzimu o vha a tshi khou Difhandekanya vhukati ha Tshividzo Tshawe.

¹⁵⁰ Zwenezwo, vharathu, arali fhedzi ri tshi nga vha fhethu huthihi, huno ra disa Iyo fhethu huthihi! Zwenezwo ro wana Jehovah nga vhudalo, musi ri tshi da fhethu huthihi. Fhedzi ri nga kona hani, musi *uyu* muñwe a tshi khou amba nga dzindimi nahone o wana ndovhedzo, *uyu* muñwe; huno zwenezwo a tshi khou vhulunga *ulu* lulimi lwa Mulilo nga hafha, na *iyi* inwe? Kha ri I vhee fhethu huthihi.

¹⁵¹ Musi Mudzimu, nga Duvha la Pentekoste, a tshi tsa, na Bivhili ya ri, "Ndimi dla Mulilo dla kavha kha muñwe na muñwe wavho." Huno dla... "Dzindimi, vhunga Mulilo," dzindimi. Yo vha i yio Khavhu ya Mulilo i tshi khou Difhandekanya nahone i tshi khou Dikovhekanya, vhukati ha vhathu, uri ri vhe vharathu. "Nga ilo đuvha ni do đivha uri Nñe ndi kha Khotsi, Khotsi u kha Nñe; Nñe ngomu Hanga, na inwi ngomu Hanga." Huno, ri, ri vhathihii. Ri vhathihii, a ro ngo fhandekana.

¹⁵² Zwino, Jehovah Mudzimu, *Hafha* nthia, ho ngo kona u kwama lushaka lwa muthu, nga nthani ha Mulayo Wa Ene mune wa vhukhethwa; Jehovah Mudzimu o vha tshivhi a tshi itela riñe, huno a badela mutengo; uri onoyo Jehovah Mudzimu muthihi a kone u da nahone a tshire *ngomu* hashu. Mudzimu *nga nthia* hashu; Mudzimu *e na riñe*; Mudzimu *ngomu* hashu. Hu si Midzimu miraru; Mudzimu muthihi! Dziphurofesa dzi a dzenwa nga tshipengo, dzi tshi khou lingedza u Li ɬalukanya. Ndi—ndi nzumbululo. Li tea u dzumbululwa kha inwi.

¹⁵³ Zwino, zwino, musi zwi tshi da kha ndovhedzo, zwino, vhathu vhanzhi... Zwino, ni tea u ita hezwo, vharathu. Kana, zwi nga zwe nda vhudza Mukomana Scism na Mukomana Ness, uri arali inwi... Kha—khani ya vha hone. Huno muñwe-vho, vhunzhi ha vhoinwi zwikola hafha no edana lwo engedzeaho u fhira nne; fhedzi ndo guda nga maända nga ha iyo thoho. Huno ndo no vhala Vhokhotsi vha Phanda ha Nicaea, Khoro ya Nicaea, na vhađivhazwakale vhothe, na vhañwe-vho.

¹⁵⁴ Fhundo iilo lo da kha Khoro ya Nicaea. Masia othe o ya kha mbeu; musi tshivhidzo tsha Katolika tshi tshi dzhia sia lo yesaho la vhuraruthihi, huno muñwe a ya kha wa muthihi, huno vhuvhili ha ayo masia o bva. Ndi zwone kokotolo, ngauri vhathu vho vha vhe na tshiñwe tshithu tshe vha tea u ita ngomu hatsho.

¹⁵⁵ Ni tea u tendela Mudzimu u zwi ita, a hu na thodea kha riñe ya u lingedza u zwi ṭalukanya. Kha ri vhe vhakomana. Kha ri tou bvela phanda nahone ri tendele Mudzimu a ite tshithu tshire A khou yo tshi ita. Arali A a si na magumo huno a tshi ḋivha zwithu zweþhe, nahone o bvumba vhufhelo u bva mathomoni, ri nga kona hani u ita tshiñwe tshithu-vho nga hazwo? Itonu bvela phanda na u tshimbila. Iyo ndi ndila. Dzhiani ḋiga nga tshifhinga, vhunga ndo amba madekwe, ri na Yoshua washu muhulwane.

¹⁵⁶ Zwino sedzani, arali hu na Midzimu miraru... ndi ṭodou ni sumbedza fhedzi uri izwi zwi seisa hani. Arali hu na Midzimu miraru, zwenezwo Yesu o vha e Kho- Wa Ene muñe... Yesu a nga si vhe o vha e Khotsi A Ene muñe, e muthihi. Huno, arali hu na vhararu, Ho ngo bebwra nga mbebo ya musidzana. Zwino ndi vhangana... [Mukomana Branham u a fanyisa, a tshi khou shumisa zwithu zwiraru—Mudz.] Ndi khou yo ri hoyu ndi Mudzimu Khotsi; huno hoyu ndi Mudzimu Murwa; huno hoyu ndi Mudzimu Muya Mukhethwa.

¹⁵⁷ Zwino, kha vhoinwi vharathu vho fhambanaho hafha, vhoinwi sedzani hezwi lwa tshifhinganyana fhedzi huno ni vhone zwine nda khou lingedza u zwi sumba. Ndi rabela uri Mudzimu u do ni tendela u zwi vhona. Zwino, sedzani, vhuvhili hanu ni tenda zwenezwo zwithihi, fhedzi diabolo o tou dzhena vhukati hanu huno a ni vundekanya ngazwo. Ndi zwenezwo zwithihi kokotolo, huno ndi do ni sumbedza zwone, nga thuso ya Mudzimu, na nga Bivhili ya Mudzimu. Arali izwo zwi si Bivhili, zwenezwo ni songo zwi ṭanganedza. Izwo ndi zwone.

¹⁵⁸ Fhedzi zwino sedzani. [Mukomana Branham u a fanyisa, a tshi khou shumisa zwithu zwiraru—Mudz.] Hoyu ndi (mini?) Mudzimu Khotsi; hoyu ndi Mudzimu Murwa; hoyu ndi Mudzimu Muya Mukhethwa. Zwo luga, zwino, kha ri ime zwino lwa tshifhinganyana, ri tshi khou vhetshela avho vhararu heneffo nnnda; Mudzimu Khotsi, Murwa, na Muya Mukhethwa.

¹⁵⁹ Oo, a—a thi khou yo vha na tshifhinga tsha u ita hezwi. Ndi...[Vharathu vha ri, “Kha vha bvele phanda! Kha vha bvele phanda!—Mudz.] Fhedzi, ni a vhona, zwo ralo, ndi do tshavhanyedza u tou ya nga hune ndi nga kona. Mpfareleni, vharathu vhanga, fhedzi a—a thi athu swika he nda amba na vhoiñwi na kathihi, huno ndi—ndi todou ita hezwi.

¹⁶⁰ Huno zwenezwo, sedzani; Mudzimu Khotsi, Murwa, Muya Mukhethwa. Zwino, ndi Nnyi we a vha e Khotsi a Yesu Kristo? Mudzimu o vha e Khotsi a Yesu Kristo. Izwo rothe ri a zwi tenda. Naa izwo ndi zwone? [Tshivhidzo tshi ri, “Amene.”—Mudz.] Zwo luga.

¹⁶¹ Zwino, musi ri tshi dzhia Mateo 28:19, musi Yesu o ri, “Iyani-ha, ni funze tshakha dzothe, ni tshi vha lovchedza nga Dzina la Khotsi, Murwa, Muya Mukhethwa.” Nga murahu ha maduvha a fumi, Petro a ri, “Shandukani, huno ni lovchedzwe nga Dzina la Murena Yesu Kristo.” Hu na khanedzo i si na makombakombi huñwe fhethu. Zwino, ri songo...hu na...

¹⁶² Muñwe na muñwe o tanziela, na zwithu. Ngezwi. Lutendo Iwanga ngolu, huno ndi khou tou adza phanda ha vhoiñwi, vharathu. A thi ambi izwi nnnda kha dziphuluphithi; zwi kha vhoiñwi. Fhedzi ndi todou ni sumbedza zwine nda vhona kha masia othe vhuvhili hao, uri Muya Mukhethwa u ni dzumbululele zwone, ni a vhona.

¹⁶³ Zwino, Mateo 28:19, nahone arali—arali Mateo 28:19 i tshi hanedza Mishumo 2:38, zwenezwo hu na khanedzo Bivhilini, huno a Yo ngo fanela bambiri le Ya ñwalwa khalo.

¹⁶⁴ Zwino arali ni tshi do dzhiela nzhele kha Mateo ndima ya 16, Yesu o ñea Petro nzumbululo, nahone a mu ñea dzikhii.

¹⁶⁵ Zwino, elelwani, Bivhili a i dzumbululwi nga thelodzhi ya kuñwe kudzudzanye kwo itwaho nga muthu. A i ralo. Ndi nzumbululo.

¹⁶⁶ Yo vha i nzumbululo, tsha u tou thoma. Ndi ngani Abele o nekedza tshithavhelo kha Mudzimu tshavhudi lwo engedzeaho u fhira Kaini? “Zwo vha zwo dzumbululwa khae,” zwauri ho vha hu si maberegisi, na maapula, na maswiri, na maapula. Arali maapula a tshi do ita vhasadzi uri vha limuhe uri vha fhedzi, ndi khwine ri tshi fhirisa maapula hafhu, mukomana. Naa a ni elekanyi nga u ralo? Zwino, izwo, izwo zwi pfala zwi zwi tshambuludzaho, fhedzi a thi khou amba hezwo. Fhedzi, ho vha hu si maapula. Hai, muñe wanga. Zwino, huno arali izwo zwi tshi vha nga u ralo, zwenezwo, “Zwo vha zwo dzumbululelwa Abele,” zwauri o vha e malofha a khotsi awe. Ngauralo o nekedza malofha, ngauri yo vha i nzumbululo. Tshithu tshothe tsho fhañwa nñha ha hezwo.

¹⁶⁷ Zwino sedzani, ngoyu murei wa khovhe wa kale a songo funzeaho, a si na na pfunzo yo edanaho...Bivhili yo ri o vha

a songo funzea nahone a songo gudiswa. Fhedzi o vha o ima heneffo, huno Yesu a vhudzisa mbudziso, “Naa vhoiñwi ni ri nñe Murwa-muthu ndi nnyi?”

¹⁶⁸ Muñwe a ri, “Malandu, Iwe u—Iwe u Mush...” Kana, “Vha—vha ri, ‘Iwe u Mushe.’”

“Naa vha, vha ri ndi Nñe nnyi?”

Muñwe a ri, “Malandu, Iwe u Yeremia kana vhaporofita, na *itshi, itsho*, kana *tshinwe*.”

¹⁶⁹ A ri, “Iyo a si yone mbudziso. Ndo *ni* vhudzisa. Naa inwi ni ri ndi Nñe nnyi?”

¹⁷⁰ Huno Petro a bvela tshothe khagala, huno a ri, “Iwe u Murwa wa Mudzimu.”

¹⁷¹ Huno A ri, “U na mashudu, Simoni, murwa wa Yona.” Zwino sedzani. “Nama na malofha a zwo ngo u dzumbululela izwi, fhedzi Khotsi Anga a re Tađulu.” Ni a vhona?

¹⁷² Zwino sedzani, zwino, tshivhidzo tsha Katolika tshi ri O fhata Tshivhidzo kha Petro. Izwo zwo khakhea.

¹⁷³ Tshivhidzo tsha Porotestanti tshi ri, “O tshi fhaña kha Ene muñe.” Fhedzi zwino sedzani nahone ni wanuluse, ni vhone arali zwi zwone.

¹⁷⁴ O tshi fhaña kha nzumbululo ya muya ya Uyo we A vha e ene, ni a vhona, ngauri O ri, “U na mashudu, Simoni, murwa wa Yona. Nama na malofha a zwo ngo u dzumbululela hezwi. Ndi ri iwe u Simoni; kha heli tombo” (tombo lifhio? nzumbululo) “Ndi do fhaña Tshivhidzo Tshanga, huno khoro dza vhudzulavhafu dzi nga si Tshi kunde.” [Mukomana Branham u khokhonya kha phuluphithi kararu—Mudz.]

¹⁷⁵ Zwenezwo, musi Petro e hone o ima musi Mateo 28 i tshi redzwa, huno yo moniswa nahone, nga murahu ha mađuvha a fumi, e na iyo nzumbululo, huno a lovchedza nga Dzina la “Murena Yesu Kristo.” Ndi ngani o zwi ita? Nga nzumbululo ya Mudzimu; nahone e na khii dla Muvhuso, mukomana.

¹⁷⁶ Zwino ndi nga di ni vhaisa lwa tshifhinganyana, siani lañu lithihi, fhedzi imani lwa tshifhinganyana. A hu na fhethu na huthihi Bivhilini he vhañwe vhatu vha vhuya vha lovchedza nga Dzina la “Khotsi, Murwa, Muya Mukhethwa.” A hu na fhethu na huthihi Maríwaloni. Huno arali hu hone, hu bveledzeni. Huno arali ni tshi nga wana huiwe fhethu kha divhazwakale khethwa, u swika u vhumbiwani ha tshivhidzo tsha Katolika, ndi toda ni tshi hu bveledza. A hu na fhethu, zwino, huno iyo ndi ngoho.

Fhedzi zwino imani lwa tshifhinganyana, inwi Vhuthihi, lwa muthethe fhedzi.

¹⁷⁷ Zwino, a hu na fhethu he... Arali muñwe muthu a tshi nga ntsumbedza linwalwa lithihi la Luñwalo he ayo maitele

a shumiswa Bivhilini, a “Khotsi, Murwa, Muya Mukhethwa,” ni a kombetshedzea u ḋa na mmbudza he muñwe muthu a lovhedzwa nga u ralo.

¹⁷⁸ Huno vhañwe vhavho vha ri, “Zwo luga, ndi ḋo dzhia zwe Yesu a amba, hu si zwe Petro a amba.” Arali zwo vha zwo fhambana, nga tshadzo, naa ri khou yo itani? Arali yothe i si Mudzimu, naa ndi tshipida tshifhio tsha Bivhili tshi re tshone?

¹⁷⁹ Zwothe zwi tea u andana huno zwa ḋa fhethu huthihi, nahone nzumbululo ya Mudzimu fhedzi. Zwikolo zwashu zwi nga si li funze na kathihi. Ndi nzumbululo, uri ni fanela u Li vhona.

¹⁸⁰ Zwenezwo, arali avho vhanna vhavhili vho fhambana, nga tshavho, zwenezwo ri khou vhala Bivhili ya lushaka-de? Naa ndi zwi ḋivha hani arali Yohane 14 i yone, kana hai? Naa ndi zwi ḋivha hani arali Yohane 3 i yone, kana hai? Ndi zwi ḋivha hani, hani, hani? Ni a vhona?

¹⁸¹ Fhedzi ndila i yothe ine ndi nga vha na lutendo kha Mudzimu ngayo, ndi u ḋivha zwauri iyo Bivhili ndi yone, huno nda tenda uri Ndi yone, huno nda dzula Nayo. Naho ndi sa I pfesesi, ndi a I shumisa, naho zwo ralo.

¹⁸² Fhedzi musi idzi phambano dzi tshi ḋa, zwenezwo ndi ya phanda ha Mudzimu, u wanulusa. Huno onoyo Muruñwa muthihi a no ḫangana na nñe muñganoni, na vhusiku, ndi onoyo Muthihi We a mpfunza Heyi. Ni a vhona? Zwino vhonani arali iy i yone, uri iyi i hani zwino.

¹⁸³ Zwino, Mateo 28:19, kha ri tou sedza lwa tshifhinganyana zwino. Huno zwino ndi khou yo dzhia Mishumo 2:38 henefha, he Petro a ri, “Murena Yesu Kristo.” Huno Mateo o ri, “Khotsi, Murwa, Muya Mukhethwa.”

¹⁸⁴ Zwino thetshellesani. O ri, “Ni vha lovhedze...” Hu si “nga dzina la Khotsi, nga dzina la Murwa, nga dzina la Muya Mukhethwa.” Ho ngo amba hezwo na kathihi. A hu na “dzina...nga dzina...nga dzina.”

¹⁸⁵ Na kathihi ho ngo ri, “Vha lovhedzeni nga *madzina* a Khotsi, Murwa, na Muya Mukhethwa,” ngauri a zwi vhuyi zwa pfala.

¹⁸⁶ O ri, “Vha lovhedzeni nga Dzina (D-z-i-n-a) la Khotsi, Murwa, na Muya Mukhethwa.” Naa izwo ndi zwone? [Tshivhidzo tshi ri, “Amene.”—Mudz.] “...la Khotsi, Murwa, na Muya Mukhethwa,” ḫitanganyi, “na, na, na.”

¹⁸⁷ Hu si “madzina.” Hu si “nga dzina la Khotsi, dzina la Murwa, dzina la Muya Mukhethwa.” Hu si, “nga *madzina* a Khotsi, Murwa, na Muya Mukhethwa.” Fhedzi, “nga Dzina,” D-z-i-n-a, vhuthihi, “la Khotsi, Murwa, Muya Mukhethwa.” Zwino, ndi ḫifhio lao line la vha dzina lone line hu nga lovhedzwa ngalo? Ndi Dzina lithihi. Ndi ḫifhio? Naa “Khotsi” ndi lone dzina, kana “Murwa” ndi lone dzina, kana “Muya Mukhethwa” ndi lone dzina?

¹⁸⁸ Ndi “Dzina,” huñwe fhethu. Naa izwo ndi zwone? [Tshivhidzo tshi ri, “Amene.”—Mudz.] Zwo ralo, zwino ndi ḥodou ni vhudzisa tshiñwe tshithu, zwenezwo. Arali “Dzina,” zwenezwo, arali Yesu o ri, “vha lovhedzeni nga Dzina la Khotsi, Murwa, na Muya . . .” Naa ndi vhangana vha no tenda uri Yesu o amba izwo? [“Amene.”] Ulwo ndi Luñwalo. Ndi Mateo 28:19, “Nga Dzina la Khotsi, Murwa . . .”

¹⁸⁹ [Mukomana Branham u vhona tshithithisi—Mudz.] Ndi tshiñwe tshithu tshine ra . . . Hai, ndi, ndo elekanya . . . Zwo luga, mune wanga. [Mukomana u ri, “Mpfareleni, Mukomana Branham?”] Iina. [“Ndi ḥodou pendukisa iyi theiphi, huno a thi ḥodi u sa vha nazwo.”] Zwo luga. [Tshikhala kha theiphi.] . . . ? . . .

¹⁹⁰ Zwino, “nga Dzina la Khotsi, Murwa, na Muya Mukhethwa.” Zwino thetshelesani, vharathu. A hu na tshithu tsho raloho tshi no nga dzina la “Khotsi,” ngauri *Khotsi* a si dzina. Ndi vhuimo. A hu na tshithu tsho raloho tshi no nga dzina la “Murwa,” ngauri *Murwa* ndi vhuimo. A hu na tshithu tsho raloho tshi no nga dzina la “Muya Mukhethwa.” Izwo ndi zwine A vha zwone.

¹⁹¹ Ndo vha ndi tshi khou amba zwenezwo kha vhuragane ha vhashumeli nga mañwe matsheloni, huno musadzi muthihi . . . Hu si ngonani, a hu na zwiñwe, nnyi na nnyi o vha a tshi ḥo thithisa, tshiñwe na tshiñwe tsha u ralo. A ri, “Imani lwa tshifhinganyana fhedzi! Ni mpfarele!” Ha pfi, “Muya Mukhethwa ndi dzina.”

¹⁹² Nda ri, “Izwo ndi zwine Wa vha zwone. Nq̄e ndi muthu, fhedzi dzina ḥanga a si ‘Muthu.’”

¹⁹³ Ndi Muya Mukhethwa. Izwo a si dzina. Izwo ndi zwine Wa vha zwone. Ndi dzina vhukuma, a hu na zwiñwe, fhedzi a si . . . Ndi—ndi . . . A si dzina.

¹⁹⁴ Zwino, arali O ri, “Vha lovhedzeni nga Dzina la Khotsi, na la Murwa, na la Muya Mukhethwa,” huno hu ri Khotsi, Murwa, kana Muya Mukhethwa a si dzina, zwenezwo Dzina ndi liphio? Ri ḥodou wanulusa.

¹⁹⁵ Zwino, ri nga zwi wana zweþhe fhethu huthihi hafha, arali ni tshi ḥo tou sedza na—na—na shumisa tshifhinga tshituku zwino, kana na vhulunga tshifhinga tshituku, ndo vha ndi tshi khou ḥodou ralo. Zwino dzhielani nzhele Mateo 28:19. Zwino, a thi khou amba zwauri . . .

¹⁹⁶ Ni nga di, ni nga di vha no zwi ita, vhañwe vha vho inwi dzikhaladzi kana vhakomana. Ni nga di vha no doba bugu, liñwe ḫuvha, huno na sedza murahu hayo, nahone na ri, “John na Mary ngavhuya vho tshila vho takala u ya ho ya.” Zwo luga, John na Mary ndi vhonnyi? Naa ndi mini, John na Mary ndi vhonnyi vhe ngavhuya vha tshila vho takala u ya ho ya? Hu na ndila nthihi fhedzi ine na ḥo vhuya na ḫivha uri John

na Mary ndi vhonnyi; izwo, arali zwi khanganyiso kha inwi, humelani murahu nahone ni vhale bugu. Naa izwo ndi zwone? [Tshivhidzo tshi ri, “Amene.”—Mudz.] Humelani murahu kha ya u thoma huno ni i vhale yo^{the}, huno i ni vhudza uri John na Mary ndi vhonnyi.

¹⁹⁷ Zwo ralo, arali Yesu o amba, Yesu Kristo Murwa wa Mudzimu, we a ri, “Iyani-ha, ni funze tshakha dzo^{the}, ni tshi vha lovhedzela kha Dzina la Khotsi, Murwa, na Muya Mukhethwa,” huno nahone *Khotsi, Murwa*, kana *Muya Mukhethwa* a si dzina. Zwenezwo, arali zwi khanganyiso, ndi khwine ri tshi humela murahu kha ya u thoma ya Bugu.

¹⁹⁸ Zwino kha ri humele murahu kha ndima ya 1 ya Mateo, huno ri *do* thoma henefho, i *nea* mirafho, u swika i tshi tsela fhasi kha ndimana ya 18.

¹⁹⁹ Zwino sedzani, zwino sedzani lwa tshiffinganyana fhedzi. [Mukomana Branham u a fanyisa, a tshi khou shumisa zwithu zwiraru—Mudz.] *Hoyu* ndi Khotsi, kha lurumbu lwanga lwa tsha u la; *hoyu* a re vhukati ndi Murwa; huno *hoyu* ndi Muya Mukhethwa. Zwino, *hoyu* ndi Khotsi a Yesu Kristo. Naa izwo ndi zwone? [Tshivhidzo tshi ri, “Amene.”] Mudzimu ndi Khotsi a Yesu Kristo. Izwo ro^{the} ri a zwi tenda? [“Amene.”] Zwo luga.

²⁰⁰ Zwino Mateo 1:18 yo ri:

*Zwino mabebo a Yesu Kristo o vha e nga ndila heyi:
Musi...mme awe Maria o fulufhedziswa Yosefa, a sa
athu...dzhena nduni, o wanala e na nwana wa...*

²⁰¹ [Tshivhidzo tshi ri, “Muya Mukhethwa.”—Mudz.] Ndo elekanya uri *Mudzimu* o vha e Khotsi Awe.

*Huno u do beba murwa,...vha do mu rina dzina la
YESU:...*

*Huno Yosefa munna wawe, e munna o lugaho,...a
sa funi u mu shonisa kha vhathu, fhedzi a humbula u
tou mu nenga.*

*Nga ndila heyi, musi a tshi kha di elekanya nga ha
izwi zwithu, vhonani, murunwa wa Murena a bvelela
kha ene muloroni, a tshi ri, Yosefa, iwe murwa wa
Dafita, u songo ofha u dzhia Maria mufumakadzi wau:
ngauri izwo zwe a dihwala ngazwo ndi zwa...*

²⁰² [Tshivhidzo tshi ri, “Muya Mukhethwa.”—Mudz.] Ndo elekanya uri *Mudzimu* o vha e Khotsi Awe. Zwino, naa U na vhokhotsi vhavhili, vharathu? [“Hai.”] A nga si vhe navho. Arali O vha o ralo, O vha e nwana wa u vhumbela, huno ri na lushaka-de lwa vhurereli henefho? Ni tea u tenda zwauri *Mudzimu* Khotsi na Muya Mukhethwa ndi wonoyo Muya muthihi. Ngoho, Wo ralo. Ngoho, ndi wonoyo Muya muthihi. Zwino, ro phetha, huno izwo zwi vhoneni.

Huno u do beba murwa, huno vha do mu rina dzina la YESU: ngauri u do tshidza vhathu vhawe tshivhini tshavho.

...hezwi zwo itwa zweithe, uri hu kone u khunyelela...

²⁰³ Ndi khou redza Luñwalo. Vhoinwi vhashumeli ni a ñivha, musi ndi tshi ñuwa.

...uri zwi kone u khunyelela...muporofita o amba, nga Murena, a tshi ri,

...musidzana u do ñihwala, huno...u do beba ñwana, huno vha do mu rina dzina la Imanuele, line nga ñhalutshedzo,...

²⁰⁴ [Mukomana Branham u a awela. Tshivhidzo tshi ri, “Mudzimu u na riñe.”—Mudz.] “Mudzimu u na riñe!” Naa izwo ndi zwone? [“Amene.”]

²⁰⁵ Zwenezwo ndi liphio Dzina la Khotsi, Murwa, na Muya Mukhethwa? [Mukomana u ri, “Yesu Kristo.”—Mudz.] Ndi zwone, zwa vhukuma. Izwo ndi ngazwo Petro o vha lovhedza nga Dzina la “Yesu Kristo.”

²⁰⁶ Fhedzi, a thi londi, arali no lovhedzwa nga dzina la Dzuvha la Sarone, Volenga la Govha, Naledzi ya Mutsho, izwo ndi maimo, na one-vho. Arali mbilu yanu yo luga kha Mudzimu, U ñivha mbilu yanu.

²⁰⁷ Fhedzi zwino, zwino, izwo ndo zwi bula. Zwino, zwino ndo ri... Zwino Mukomana Scism o ri, “Zwino!” A hu na zwinwe, ngoho, izwo zwo vhonala sa Vhuthihi, ngauralo o vha e ngomu tshothe khazwo.

²⁰⁸ Zwino ndo ri, “Zwino hafha ndi todou amba tshinwe tshithu kha inwi zwino.” Ni a vhona? Ñdo ri, “Zwino ndi todou ni sumbedza uri avha, vhanna vhavhili, vho amba zwenezwo zwithihi.”

²⁰⁹ Zwino, Mateo o ri, “Nga Dzina la Khotsi.” Naa izwo ndi zwone? [Tshivhidzo tshi ri, “Amene.”—Mudz.] Zwo luga. Huno Petro o ri, “Nga Dzina la Murena.” Mateo 28:19 yo ri, “Nga Dzina la Khotsi,” huno Mishumo 2:38 ya ri, “Nga Dzina la Murena.” Dafita o ri, “Murena o ri kha Murena wanga.” Naa Uyo o vha e nnyi? Khotsi na Murena ndi Dzina lenelo lithihi. Dafita o ri, “Murena o ri kha Murena wanga, ‘Iwe dzula kha tshanda Tshanga tsha u la.’” Ni a vhona, “Nga Dzina la Khotsi; nga Dzina la Murena.”

²¹⁰ Huno Mateo o ri, “Nga Dzina la Murwa,” huno Petro a ri, “Nga Dzina la Yesu.” Naa Murwa ndi nnyi? Yesu.

²¹¹ “Nga Dzina la Muya Mukhethwa,” ho vha hu Mateo; huno Petro o ri, “Nga Dzina la Kristo,” ene Logos.

²¹² *Khotsi, Murwa, Muya Mukhethwa*, “Murena Yesu Kristo.” Mulandu, zwo tou fhelela sa zwine zwi nga vha zwone. Ni a vhona?

²¹³ Mukomana Scism o amba na nne. Mukomana Scism, mukomana wa Vhuthihi, o ri, “Mukomana Branham, izwo ndi zwone, fhedzi,” a ri, “itsho ndi *itshi*.”

²¹⁴ Nda ri, “Zwenezwo, *itshi* ndi *itsho*.” Izwo ndi zwone. Ni a vhona? Nda ri, “Arali *itsho* tshi *itshi*, *itshi* ndi *itsho*. Ngauralo ni khou ṭaṭa khani nga ha mini?”

²¹⁵ Nda ri, “I ri ni ndi themendele kha inwi, vharathu. Arali nda vhuya nda lovhedza muthu, ngezwi zwine . . .”

²¹⁶ Nda ri, “Zwino, ngoyu Dok. Ness.” Huno muñwe muthu o amba, tshifhinganyana tsho fhiraho, vhoiñwi vharathu, zwauri no mu ñivha Dok. Ness.

²¹⁷ Zwo luga, ndi ño ralo, hafha, Mukomana Hicks hafha, u na . . . ndi elekanya uri ni na Digirii ya Vhudokotela. Naa izwo ndi zwone? Zwo luga.

²¹⁸ Zwino nda ri, “Arali Dok. Ness, o dzulaho hafha . . .” Zwino ndo ri, “Arali ndo ṭoda . . .” Zwino, musi ndi tshi isa muthu mañini, u vha lovhedza, ndi zwi limuwa u tou fana na zwe a ita, nda ri, “Ayo o vha e maimo e a ya kha Dzina Lawe.”

²¹⁹ Nda ri, “Zwino, vhakomana vha Khuvhangano vha shumisa maimo, huno vhakomana vha Vhuthihi vha shumisa Dzina.” Nda ri, “Zwino ndi khou yo ni sumbedza, uri vhuvhili hanu no khakha, huno nne ndi kha ngoho.” Ni a ñivha nga ndila ine na ño tea u . . . Ni na vhanna vha re na vhuleme nga iyo ndila, ni tea u vha na tshipfi tshiṭuku tsha madai luthihi nga tshifhinganyana, u vhofholola-vho zwiṭuku. Ngauralo nda ri, “Ndi khou yo ni sumbedza zwauri vhuvhili hanu no khakha, huno nne ndi kha ngoho.”

²²⁰ Nda ri, “Zwino mini-ha arali ndo ṭoda u hulisa Mukomana Ness, ndo vha ndi tshi ño ri . . .”

²²¹ Kana, kana Mukomana Hicks hafha, ni a vhona. Ndo vha ndi tshi ño ri, “Hicks!” Zwino, izwo zwo vha zwi tshi ño pfala zwi zwavhuđi? Hai. Zwo ralo, mini-ha arali ndo vha ndi tshi ño ri, “Dokotela! Hei, Doc! Mini-ha nga hazwo?” Zwino, izwo zwi pfala zwi si na khuliso, a si zwone?

²²² “Musi,” nda ri, “iyo ndi ndila ine vhoiñwi vha Khuvhangano na ita, ni a vhona. Musi vhoiñwi vhakomana vha Khuvhangano ni tshi ri, ‘Nga dzina la Khotsi, na la Murwa, Muya Mukhethwa,’ inwi ni khou tou ri, ‘nga dzina la vhafunzi, dokotela.’”

²²³ Huno nda ri, “Zwenezwo, vhoiñwi vharathu vha Vhuthihi, musi ni tshi lovhedza, ni ri, ‘Yesu!’” A vha shumisi . . .

²²⁴ Vha, Yesu Fhedzi, vha tou shumisa dzina “Yesu.” Hu tou vha na Vhoyesu vhanzhi. Fhedzi, Ndi Murena Yesu

Kristo, ni a vhona. Hu na vhanzhi... Lovhedzani nga dzina la "Yesu," zwa vhukuma nne a thi imi na hezwo; a hu na Luñwalo. Inwi wanani ya vhubvo, ni vhone arali i si "Murena Yesu Kristo." Zwa vhukuma, Ndi Murena Yesu Kristo. Hu na Vhoyesu vhanzhi, zwa vhukuma. Huno *Kristo* ndi "Mułodzwa."

²²⁵ Nda ri, "Zwino, arali ndo vha ndi tshi khou yo amba zwenezwo zwithihi kha Mukomana Ness. Ndo vha ndi tshi do ri, two vha zwi tshi do pfala zwi zwone kha nne u ri, 'Hei, Ness!?" Nda ri, "Iyo ndi ndila ye vhoiwi vha Vhuthihi na vha ni tshi do zwi amba. Ni a vhona? Naa iyo yo vha i si nga vhi u sa vha na khuliso kha uyo munna we a guda, nahone o wana Digirii ya Vhudokotela? Arali o vhu gudela nga maanda, u fanelu u newa uvho vhuimo."

²²⁶ Huno nda ri, "Zwenezwo arali ndo ri, 'Hei, Doc!'" Nda ri, "Izwo zwi nga si pfale zwi zwa fhasi, mushumeli a tshi amba na muñwe?" Kana, ndo ri, "Iyo i tou vha ndila ine na zwi ita ngayo, nga thungo fhedzi nga vhuimo."

²²⁷ Fhedzi nda ri, "Musi ndi tshi isa muthu madini; ndi ya henengei huno nda mu vhudzisa, nahone nda amba, huno nda wana dzina lawe na uri ndi nnyi, na lutendo lwawe."

²²⁸ "Zwenezwo ndi a rabela, huno nda ri, 'Zwino, Khotsi, vhunga Iwe wo ri nea ndaela ya u "ya kha shango lothe huno ra ita tshakha dzothe vhabunziwa,'"' Vhoiwi vharathu ni a divha uri izwo ndi zwa vhubvo, ni a vhona. " . . . ni ite tshakha dzothe vhabunziwa, ni tshi vha lovchedzela kha Dzina la Khotsi, na la Murwa, na la Muya Mukhethwa; ni tshi vha funzedza u tevhedza zwithu zwiñwe na zwiñwe zwe Iwe wa . . . zwithu zwe Iwe wa ri funza zwone. . . ."

²²⁹ "Ngauralo zwenezwo nda ri, 'Kha u bula hañu ha lutendo; kha u bula hañu zwivhi zwanu, na lutendo lwanu kha Murwa wa Mudzimu, ndi a ni lovchedza, mukomana wanga a funwaho, nga Dzina la Murena Yesu Kristo.'"

²³⁰ Nda ri, "Iyo ndi ndila ine nda lovchedza. Ndi limuwa maimo Awe, zwe A vha e zwone, zwe Khotsi, Murwa, na Muya Mukhethwa. Huno tsho itsahouri Yesu a ambe izwo, ho vha hu"

²³¹ Zwino sedzani. Arali—arali izwo zwi songo ralo, ni na khanedzo Luñwaloni lwanu; ni na khanedzo. Huno ni khou yo itani musi . . . Mini-ha arali uyu mukomana a re wa Buddha a tshi do takuwa huno a amba izwo, "Mini-ha nga ha *itshi*?" Vho ri mini musi vha tshi mmbudza

²³² Hangei, musi uyu mukomana wa Muindia o itela Morris Reedhead khaedu, huno a ri khae, a ri, "Mini-ha nga ha Marko 16?" O do tea u huma khayo.

²³³ A ni tei u huma kha tshithu. Illo ndi Ipfi la Mudzimu. Dzulani Nało. Itonu rabela. Wanani nzumbululo. I shuma nga ndila i fanaḥo.

²³⁴ Ni a vhona, vhuvhili havho vha khou amba itsho tshithu, zwino; hu si maimo; hu si zwa fhasi. Nda ri, “Zwino...”

²³⁵ Nda Mu limuwa. O vha e Khotsi; hu si muiwe Mudzimu. O vha e Murwa; hu si muiwe Mudzimu. Onoyo Mudzimu muthihī! Inwi... Ndi zwidulo zwiraru. Mudzimu e kha tshifhinga tsha Vhukhotsi, arali ni tshi ṭodou vhu vhidza, ha Vhukhotsi; Vhumurwa; huno ndi onoyo Mudzimu muthihī kha riñe zwino, “Nñe ndi do vha na inwi.” “Nñe,” lisala vhukuma, “Nñe ndi do vha na inwi.” Ngauralo, ni a vhona, ndi zwidulo zwiraru, hu si Midzimu miraru.

Zwino, mukomana, arali vhafunziwa vha songo li shumisa na kathihi, na u tsa fhasi... .

²³⁶ A thi khou amba tshihiwe tsha u lwa nało. Izwo zwo luga. Ndi a ni vhudza, arali muthu a bva hafha, o lovhedzwa nga dzina la “Dzuvha la Sarona, Volenga la Govha, na Naledzi ya Mutsho,” huno o tenda Yesu Kristo sa Mutshidzi wawe; ndo vha ndi tshi do ri, “Mudzimu a ni fhatutshedze, mukomana! Idani, kha ri ṭuwe!” Ni a vhona? Izwo ndi zwone. Ngauri, arali mbilu yanu i songo luga, a no ngo luga, naho zwo ralo. Ndi zwone kokotolo. Huno mbilu yanu—yanu i tea u luga.

²³⁷ Huno nda ri, “Zwino sedzani. Zwino, arali ndo vha ndi tshi khou yo lumelisa Mukomana Ness hafha, ndo vha ndi tshi do ri ‘Vhaf. Dok. Ness.’ Izwo ndi zwone kokotolo. Vha mushumeli. Vha fanela u dzhicha sa vhafunzi. Vho guda, nahone vhugudi vhuhulu. Vha na Digirii ya Vhudokotela, ngauralo vha tea u vhidzwa ‘dokotela.’ Uvho ndi vhuimo havho, ni a vhona. Huno dzina ḥavho ndi ‘Ness,’ nangwe. Zwino, ndo vha ndi sa do ri, ‘Hei, Ness! Hei, Doc!’ Hai, izwo zwo vha zwi si nga vhi zwone. Ndo vha ndi tshi do ri, ‘Vhaf. Dok. Ness.’”

²³⁸ “Ni a vhona, izwo ndi zwine nda khou zwi amba, ni a vhona, zwine A vha zwone; zwothe Khotsi, Murwa, na Muya Mukhethwa, ‘Murena Yesu Kristo.’” Ni a vhona?

²³⁹ Huno nda ri, “Arali nda vhuya nda lovhedza muthihī nnđa kha zwivhidzo zwanu zwothe, iyo ndi ndila ine nda do vha lovhedza.” Nda ri, “Ni do mu ḥanganedza, Mukomana Ness?”

²⁴⁰ A ri, “Zwa vhukuma. O lovhedzwa nga Dzina la Khotsi, Murwa, na Muya Mukhethwa.”

Nda ri, “Ni do mu ḥanganedza, Mukomana Scism?” A ri, “Zwa vhukuma, o lovhedzwa nga Dzina la Yesu.”

²⁴¹ Nda ri, “Zwenezwo thaidzo ndi mini nga ha vhoinwi, vharathu? Ndi ngani izwo ni sa zwi ḥanganedzi, huno na kwashékanya idzi mbondo hune avha vhatthu vha tungufhadzaho vha vha hone. Vha Vhuthihi vha ṭoda u, zwa

vhukuma, zwivhidzo, vha ḥoda u luvha na vha Dzikhuvhangano. Huno vha Dzikhuvhangano, tshivhidzo, vha ḥoda u luvha na vha Vhuthihi. Huno vharathu vha nga ndila iyo. Vha nga ndila iyo. Fhedzi musi diabolo a tshi khou ḥi vha ita uri vha lwe . . .”

²⁴² Zwino ni a vhona zwine nda khou amba, vharathu? Ndo livha kha itsho tshithu tshithihi, Yesu Kristo, na u vhumbana ha Muyhili wa Yesu Kristo. Iyo ndi yone ndivho yanga. [Tshivhidzo tshi ri, “Amene.”—Mudz.]

²⁴³ Zwino, a thi ambi tshithu nga ha, “Hei, a no ngo lovhedzwa nga Dzina ḥa Yesu; ni khou ya vhudzulavhafu.” Zwino, izwo ndi vhuṭafuṭafu.

²⁴⁴ Ndi do ni vhudza two bvelelaho nga liṅwe ḫuvha. Ndo vha ndi ngei Texas. Ndi sa athu tuwa . . . Huno vha—vharathu haffa ndi thanzi dza hezwi. Tshivhidzo tsha Vhuthihi, zwivhidzo zwa fusumbembili, two lambedza muṭangano wanga. Huno ndo vhea Mukomana Petty, mukomana a re kha Khuvhangano ya Mudzimu, nṭha kha pulatifomo uvho vhusiku. Zwino, ni a divha uri izwo ndi ngoho. Ndi mukomana wa vhūthogwa, Mukomana Petty, arali muṅwe-vho waṇu a tshi mu ḫivha, a bvaho Beaumont, Texas. Ndi muṅwe wa vhanna vhavhudisa vhe nda vhuya nda ṭangana navho. Mufumakadzi wawe ndi Mukaṭolika o rembuluwaho, musadzi o khetheaho vhukuma. Ndi munna vhukuma wa Mudzimu.

²⁴⁵ Mmbudzeni munna ane a vha wavhuḍi u fhira Roy Wead, wa Khuvhangano dza Mudzimu. Bulani muṅwe-vho wa avha vhanna, sedzani hafha, vhakomana avha vhoṭhe vhane nda vha divha u mona hafha. Mukomana a no bva kha tshivhidzo tsha Filadelfia hafha, na vhanna vha Khuvhangano dza Mudzimu, huno ndi vhonnyi-ha vhane vha vha vhatu vhavhuḍi u fhirisa? Mmbudzeni uri ngafhi. Mmbudzeni uri ndi nnyi munna wavhuḍi u fhira Jack Moore? Mmbudzeni izwo. Ndi ene ane vha mu vhidza . . . Ndi vhavho. A si ene wa u shanduka. Ni wana vha u sa shanduka kha masia mavhili; huno afho ndi hune vhatu vha sumba, nahone afho ndi hune diabolo a sumba.

²⁴⁶ Fhedzi vhoṭhe ndi vhanna vha Mudzimu. Mudzimu o vha ḥea Muya Mukhethwa. Arali ho vha hu si nga nṭhani ha tshilidzi tsha Mudzimu, ro vha ri tshi ḥo vha ro no tuwa roṭhe, na khani dzashu na zwithu. Izwo ndi zwone kokotolo. Fhedzi tshilidzi tsha Mudzimu tshi a ri vhofhekanya. A zwi mangadzi ri tshi nga imba, “Ho fhaṭutshedzwa tshivhofhekanyi tshi vhofhekanyaho mbilu dzashu nga lufuno lwa Tshikriste.” Izwo ndi zwine ra zwi ḥoda, zwenezwo.

²⁴⁷ Huno ngauralo ni a divha uri mini-ha? Mulavhelesi Zwawe kha tshi—tshivhidzo, o mmbidza, huno a ri, “Naa no divha zwe na ita madekwe?” Vhusiku hanga ha vhuvhili henengei.

Nda ri, “Mini?” Nda ri, “Ndo vha na muṭangano u mangadzaho.”

Ha pfi, “No vha na munna we a vha e muitazwivhi kha phuluphithiyanu.”

Nda ri, “A tho ngo zwi divha.” Ngafhi . . .

Ha pfi, “Avho Vho-Petty.”

²⁴⁸ “Oo,” nda ri, “muitazwivhi? Mini?” Nda ri, “Ndi mureri wa Khuvhangano dza Mudzimu, mukomana.”

²⁴⁹ A ri, “Ee, fhedzi u kha di vha muitazwivhi, ngauri ho ngo lovhedzwa zwone.”

²⁵⁰ Huno nda ri, “Mukomana, ndi a rabela mmbudzeni uri ndi ngani.” Nda ri, “U na Muya Mukhethwa.”

²⁵¹ A ri, “Mukomana Branham, naa Petro o ri mini? ‘Shandukani, huno ni lovhedzwe nga Dzina la Yesu Kristo u itela khangwelo ya zwigvihi zwanu.’ Ngauralo zwigvihi zwanu zwi nga si hangwelwe u swikela ni tshi lovhedzwa nga Dzina la Yesu.”

Nda ri, “Naa iyo ndi fomula, mukomana wanga?”

A ri, “Iyo ndi fomula.”

²⁵² Nda ri, “Mudzimu o thenula-ha pułane Dza Ene muñe, kha Mishumo 10:49, ngauri, ‘Musi Petro a tshi kha di amba haya maipfi, Muya Mukhethwa wa wela kha avho vho pfaho Ipfi,’ ni a vhona, huno vho vha sa athu lovhedzwa na kathihi, na luthihi. Zwenezwo, Mudzimu o nea vhathu Muya Mukhethwa vhe vha vha songo vhuya vha rembuluwa?” Nda ri, “Naa no ima ngafhi kha shango zwino?”

²⁵³ A ri, “Ni a divha zwine ra khou yo ita?” Ha pfi, “Ri khou ola danga lituku, huno inwi ri tshi ni olela heneffo nn̄da ha danga lašhu.”

²⁵⁴ “Zwenezwo,” nda ri, “Ndi khou yo ola liñwe, huno nda dovha nda ni olela ngomu heneffo murahu.” Nda ri, “Ni nga si nngolele nn̄da, ngauri ndi a ni funa. Ni a vhona, ni nga si tou kona u zwi ita.” Nda ri, “Hu na vhanzhisa vha vharathu vhanu-vhanu hangei nn̄da vhane vha mpfuna nahone vha tenda kha nne.” Nda ri, “Inwi, ndi do—ndi do... Vha do da, naho zwe ralo.” Nda ri, “Vha do da. Huno ni nga si nngolele nn̄da. Arali na nngolela nn̄da, ndi do ni olela ngomu murahu.” Nda ri, “Musi ni tshi ita danga lithihi; Mudzimu, nga tshilidzi Tshawe, u do ntendela u ola liñwe huno nda dovha nda ni kokodzela heneffo murahu.” Izwo ndi zwone, nda dovha nda vha olela heneffo murahu.

²⁵⁵ Huno, mukomana, oo, nga Dzina la Kristo ngavhe ndi tshi amba hezwi. Ndi—ndi na... ndi a divha zwauri ndi khou dzhiesa tshifhinga hafha; huno tshifhinga tsha u vala tshi tsini katukutuku, ndi a humbulela, fhedzi edzonu ri ndi tou amba hezwi, ni a vhona.

²⁵⁶ Huno ndo amba na uyo munna, nda ri, “Ndi do tuwa na inwi musi ni tshi do di rera Mañwalo, huno na vha na lufuno, huno

na tenda uri—uri...huno na rera nahone na ri no vha ni tshi khou lovhedza vhathu...hu si nga dzina ja ‘Yesu,’ Yesu fhedzi. Hai, muñe wanga. Ndi—ndi na ngoho izwo ndo vha ndi si nga imi nazwo, ngauri ndi divhana na Vhoyesu vho vhalaho; ndi a vha divha kha ja Afurika na mafhethu o fhambanaho, vhathu vho rinwaho Yesu. Fhedzi arali ni tshi do shumisa lithemo ja ‘Murena Yesu Kristo’ washu, ndi do tuwa na inwi nga heļo. Izwo zwe luga. Ndi do ni tikedza. Ndi elekanya uri ni tea u rangisa ‘Khotsi, Murwa, na Muya Mukhethwa,’ ni a vhona, u zwi ita nga ngona.” Nda ri, “Ndi elekanya uri ni tea u ralo.”

Fhedzi a ri, “Oo, hai, hai! Izwo, izwo ndi u vhuyeleta kha vhuraruthihi.”

Nda ri, “A si vhuraruthihi. Ndi Mudzimu muthihi kha zwidulo zwiraru.”

²⁵⁷ A si vhuraruthihi, Midzimu miraru. A ri na Midzimu miraru. Zwa vhukuma hai. A hu na tshithu tsho raloho. A tsho ngo funzwa Bivhilini. Huno hu na Mudzimu muthihi fhedzi. “Ipfa iwe, Oo Israele, Ndi nne Murena Mudzimu wau.” Mudzimu muthihi! Ndaela ya u thoma, “Iwe u songo vha na miñwe midzimu phanda Hanga.” Zwa vhukuma, Ndi Mudzimu muthihi, hu si vhararu.

²⁵⁸ Iyo ndi phindulelo yazwo ya Katolika; huno yo khadwa i tshi bva kha Mukaṭolika ya ya kha Mułutere, na u tsa fhasi, na vhañwe-vho, huno zwi sokou tendwa nga vhathu ḥamusi zwauri ri na Midzimu miraru.

²⁵⁹ Huno afho ndi hune na kathihi na sa do...Aya Mafhungo-madifha a nga si ye kha Vhayuda na kathihi...Zwe, nda porofita nga mañwe matsheloni kha murumiwa wa Muyuda henengei. Na kathihi ni nga si ise Mudzimu wa vhuraruthihi kha Muyuda. Izwo na kathihi ni nga si zwi ite. Zwine, ho ngo ralo; u na ḥhalukanyo ya khwine u fhira heyo. Ni a vhona, u divha zwe engedzeaho nga ha Bivhili u fhira hezwo. Fhedzi na kathihi Ha Mudzimu wa vhararu, kha—kha Muyuda. Arali na ita uri a divhe uri Ndi onoyo Jehovah muthihi, u do zwi ḥanganedza zwa zwino. Ngoho! Izwo ndi zwone, ni a vhona.

²⁶⁰ Huno ndi a zwi tenda hezwi zweyhe. Vhunga Yosefa o amba, “Vharathu, ni songo disinyutshela, ngauri Mudzimu a ita hezwi,” ni a vhona. Ngauri—ngauri tshithu tshe tsha... Uri tshi lindele u swika tshifhingani tshino, ndi zwenezwo fhedzi, ngauri tshikhathi tshashu tsha Vhannđa tshi tsini na u fhela. Zwino, izwo ndi a zwi tenda nga mbilu yanga yothe. Ngauralo ni a vhona, vharathu vhanga? [Tshivhidzo tshi ri, “Amene.”—Mudz.] Ndi khou lingedza u livha kha tshiñwe tshithu, tshenetscho, itshi tshigwada tsha vhathu, tsha vhanna vha re na ndovhedzo ya Muya Mukhethwa.

²⁶¹ Tshigwada tsha Aimee McPherson, naa tsho itani? Tsho thoma tshi Vhuthihi, ndi a tenda; zwenezwo tsha mbo bva

huno tsha vha Khuvhangano; tsha mbo bvela nn̄da huno tsha didzudzanya nga ndila yo fhambanaho; hafha hu si kale-kale, tsha didzhenisa kha tshigwada tshītuku, tshithu tshītuku.

²⁶² Ndo vha ndo dzula mūtanganoni wa O. L. Jaggers. Zwino, rōthe ri a mū divha O. L. Jaggers. Khotsi awe—awe who thusa u vhumba Khorwana ya Nyangaredzi ya Khuvhangano dza Mudzimu. Zwino, O. L. ndi munna muhulwane. Ndi mureri muhulwane. Ndo mu vhudza, a si kale-kale, nda ri, “Mukomana Jaggers, arali ndo vha ndi tshī nga rera nga ndila ine inwi na zwi ita, na kathihi ndo vha ndi si nga vhuyi nda vha na tshumelo ya phodzo.” Fhedzi o vha e na ayo malofha ōthe na waini, na zwithu, musi a tshī thoma henengei.

²⁶³ Ni mpfarele, arali ndi tshī khou vhaisa vhūipfī hānu, vharathu, kha hezwo. Ndi—ndi... Izwo zwo luga. Mudzimu a nga ita uri malofha a de, waini i de, kana mapfura a de, tshīnwe na tshīnwe tshine A ḥoda, fhedzi izwo a zwi hangweli zwivhi. Hai, mūne wanga. Hai, mūne wanga. Hai, ngoho. “Malofha a Yesu Kristo a nga si fhelelwe nga maanda Ao na kathihi, u swika Tshivhidzo tsha Mudzimu tshōthe tsho rengululwaho tshī tshī tshidzwa, u si tsha tshinya hafhu.”

²⁶⁴ Nda ri, “Mukomana Jaggers?” Nda mu dzhia; nda mu vhidza. Huno ndo vha ndi na Vhanna vha Bindu vha Vhakriste. Huno nda ri, nda ri, “Mukomana O. L.?”

²⁶⁵ A ri, “Naa ni ngafhi kha shango?” Ndo vha ndi kha mothelē mūtuku u sāduri wa kale hangei nn̄da. Huno a ri, “Ni khou ḥodou mmbudza uri vho ni vhea afha nn̄da?”

²⁶⁶ Nda ri, “Ulwo ndi lutamo lwanga. Musi ndi tshī da kha inwi,” nda ri, “naa no itani? No mmbea hangei Hodelani ya Statler, huno nda tea u ima khudani. Vha ndzudza tafulani; a tho ngo divha uri ndi nga shumisa lufhangang lufhio, kana tshīnwe tshithu-vho. Huno a tho ngo... Nda tsela phasi vhukati henehala, ndi songo ambara badzhi, vha ḥoda u mpandela.” Huno nda ri, “A—a thī divhi uri ndi nga ḥifara hani.”

Ha pfi, “Ndi do ni isa henengei, arali vha tshī shaesa lune vha nga si zwi ite.”

²⁶⁷ Nda ri, “Hai, mūne wanga.” Nda ri, “Zwine nda ḥodou ita zwone ndi u vha na tshīteki na inwi, arali ni tshī dō tshī badelela.”

Huno a ri, “Zwo luga.”

²⁶⁸ Ngauralo zwenezwo ra bva ra ya fhethu, huno ra dzula phasi. Huno nda ri, “Mukomana Jaggers, zwa vhukuma ndi takalela yāu...”

²⁶⁹ Huno ndi khonani yanga i funwaho nga maanda, mukomana wa vhūthogwa. Huno ndo—ndo vha ndi na phamfulethe thukhu yawe, huno a...he a vha e na uyo musadzi ane a kha dī bva u da ngeno a tshī bva seli ha

lwanzhe, we a vha e na ayo malofha zwandani zwawe, na zwithu. Ngauralo ndo vha ndi nayo ngomu hafha. Ndo tou ḥoda a tshi zwi landula luthihi, huno zwenezwo ndo vha ndi nazwo kha bammbiri yawe—yawe, ni a ḫivha.

²⁷⁰ Nda ri, “Ndo dzhiela nzhele hune na khou ḫi ya, ni na, ni tshi khou yo vha na mvuseledzo khulu i no khou yo thoma.” Ngauri, Vhanna vha Bindu who ita uri ndi vhe henengei, a hu na zwiñwe.

²⁷¹ Hu vhonala hu tshi tou nga vhathu vha ḫo divha. Arali Muya Mukhethwa u tshi nga dzumbulula kha pulatifomo, A nga si kone u mmbudza zwi no khou itea mafhethu, vharathu? [Tshivhidzo tshi ri, “Amene.”—Mudz.]

²⁷² Ndi nga ni vhudza, ipfi nga ipfi, huno nda zwi sumbedza nga Mukomana Carlson, na uyu mukomana *hafha*. Ndo dzula muṭanganoni, mulovha, huno nda vhudza avha vharathu zwine zwa ḫo vha hafha matsheloni ano. [Mukomana u ri, “Ee, muñe wanga.”—Mudz.] Izwo ndi zwone. Kokotolo. [“Amene.”] Ni a vhona? Ngauri, Muya Mukhethwa wo nkarusa, huno wa ri, “Ima tsini na fasiṭere.” Nda sedza, fasiṭere, huno A ntsumbedza kokotolo *hezwi*. Nda ri, “Zwino, vharathu...” [Mukomana u ri, “Izwo ndi zwone.”] Hezwi ndo ni sumbedza, zwi tshi tou vha zwone kokotolo. Henengei! Ni a vhona?

Mulandu, vha fanela u zwi ḫivha.

²⁷³ A si kale-kale hafha, munna o takuwa, hafha Chautauqua, huno a ri, “Mukomana Branham ndi muporofita.” A thi ḫidzhii uri ndi muporofita. Ni a vhona? Fhedzi a ri, “Mukomana Branham ndi muporofita musi e na Muya wa vhutalukanyi, fhedzi,” a ri, “oo, Pfunzo yawe ndi mulimo. Ni I ḫogomele.” Nda elekanya, zwa munna o funzeaho, a no ḫo amba tshithu tshi no nga tshenetsho?

²⁷⁴ Naa *muporofita* zwi ambani? “Muṭalutshedzi Mukhethwa wa Ipfi.” “Ipfi la Murena lo ḫela muporofita,” ni a vhona. Fhedzi, izwo fhedzi, izwo a si zwa hafha kana na amba.

²⁷⁵ Fhedzi, naho zwo ralo, Mukomana Jaggers. Huno nda ri, o ri, oo...nda ri, “Ndo vhona uyo musadzi a re na malofha tshandani tshawe.”

²⁷⁶ “Oo,” a ri, “Mukomana Branham, itsho ndi tshi kanukissesaho tshe na vhuya na tshi vhona!”

²⁷⁷ Nda ri, “Mukomana Jaggers, ndi a ni funa. Tsha u thoma, ndi ḫoda ni tshi dzenisa tshanda tshanga kha tshañu. Kha ri ri ri vharathu.”

A ri, “Ngoho. Naa thaidzo ndi mini?”

²⁷⁸ Nda ri, “Ni muñwe wa vhareri vha re na maanda nga maändesa vhane nda vha ḫivha. Ni tshishumiswa tshinzani—tshinzani tsha Mudzimu tshine na vha tshone!”

²⁷⁹ A ri, “Ndi a ni livhuwa, Mukomana Branham. Ni a ḫitukufhadza vhukuma.”

²⁸⁰ Nda ri, “A thi khou amba hezwo uri ndi vhe a ditukufhadzaho. Ndi khou amba hezwo ngauri ndi a zwi tenda. Īnwi ni mulanda wa Mudzimu.” Fhedzi nda ri, “Mukomana Jaggers, nndani ha musi ni... Ni—ni khou gidimelesa nn̄da; a ni na u linganyisa kha zwine na khou amba nga hazwo. Ni khou zwi tea...”

²⁸¹ Huno ngeyi thaidzo ine vhunzhi han̄u na vha nayo vho inwi vha Khuvhangano dza Mudzimu, na vha ūwe vhanna, kha idzi tshumelo dza phodzo. A thi ni vhei mulandu. Hu na zwinzhisa zwi no vhidzwa... Huno Tommy, hafha, ndi mukomana wavhuđi, nahone ri a divha uri o ima o khwātha hani. Fhedzi hu na zwinzhisa shangoni ɻamusi zwi no itwa nga dzina la phodzo ya Muya, a zwi mangadzi ni sa ɻodi u lambedza muṭangano doroboni. Vha a da vha homboka v̄athu, huno vha bva. Huno vho wana mini? Ni songo ɻea v̄athu zwo engedzeaho zwițuku u fhira zwine na ɻea zwi bvaho kha pulatifomo, zwi bvaho kha phuluphithi yańu. Huno ni ita zwone, vharathu. Ndi khou ni vhudza, ni ita zwone. Fhedzi zwi tou nga...

²⁸² Ndo vha ndi tshi khou vhala divhazwakale ya Martin Luther. Yo ri, “Zwo vha zwi si tshimangadzo zwe Martin Luther a kona u gwalabela tshivhidzo tsha Katolika, nahone a vuledza.” No no vhala divhazwakale yawe. “Fhedzi zwauri Martin Luther o kona u kunda vhusweleli ho kalulaho hothe he ha tevhela mvuseledzo yawe, heneffo ho vha hu na tshimangadzo.”

²⁸³ Huno musi zwiwo zwo no bvelela, u sa ruba hu a tevhela, u tou fana na zwe zwa vha zwi zwone kha la Egipita. Huno tshifhinga tshothe zwo vusa khakhathi nn̄da shangoni. Izwo ri a zwi divha, musi ri tshi bvela henengei nn̄da. Zwe, zwa vusa Kora, huno Mudzimu a tea u i tshinyadza. Fhedzi, vharathu, a thi ni vhei mulandu.

²⁸⁴ Mukomana Jaggers a dzula heneffo huno a lingedza u mmbudza uri uyo wo vha u Muya Mukhethwa we wa vha u tshi khou ita hezwo. Nahone a ri... Huno zwenezwo, kha bammbiri yawe ndo vha ndi na... nda ri, “Mukomana Jaggers, zwino,” nda ri, “Ndi mugudiswa wa murole wa vhusumbe. Huno inwi ni Dokotela wa Ngudavhurereli, nahone no gudela u vha axennde. No aluswa tshivhidzoni tsho kunaho, tshi thonifheaho, Khuvhangano dza Mudzimu. Khotsi ańu vho thusa kha u wana ulwo lutendo. Huno inwi ni tshi ɻutshela kule, izwo zwi kha inwi.” Fhedzi nda ri, “Izwo zwi kha muńwe munna-vho, a no ɻoda u ita hezwo. A thi iti mińwe mikano-vho heneffo. Fhedzi musi zwi tshi da fhethu hune tshishumiswa tshi no nga inwi, tsho vha tshi tshi nga wina mimuya ya zwigidi kha Kristo, tsho vha tshi tshi do fhańa mushumo wańu kha munyanyuwo.” Nda ri, “Mukomana Jaggers, inwi ni fhańa kholomo nga ndilā iyo, arali ni si na vhuleme ha u linganyisa hezwo, i ɻo wa nga murahu ha tshifhinganyana. Huno ni tea u vha na Luńwalo lwa zwine na khou amba nga hazwo.”

A ri, "Hu na Luñwalo."

Nda ri, "Lu bveledzeni."

²⁸⁵ A ri, "Ndi zwone, Mukomana Branham," ha pfi, "uyo ndi Muya Mukhethwa u no khou zwi ita."

²⁸⁶ Nda ri, "Ntsumbedzeni Luñwalo he Ya ri, Muya Mukhethwa wo vhuya wa ita uri malofha a bve kha muñwe muthu, na zwiñwe-vho, nga u ralo. Itonu zwi sumbedza; mapfura a tshi shuluwa khavho. No amba, 'Zwauri mapfura o vha e phodzo ya Muya.' Huno no ri, 'Ayo malofha a musadzi a do vha tshidzo ya tshakha.'" Nda ri, "Arali izwo two ralo, zwenezwo ho bvelelani kha Malofha a Yesu Kristo? A tusesla kule. Huno tshiñwe na tshiñwe tshine tsha lwa Nao, tshi a lwa. Tshi lwa Nao." Nda ri, "Tshi vha pfunzo ya muvhangisakristo."

"Oo," a ri, "Mukomana Branham, ni do guda liñwe ñuvha."

²⁸⁷ Nda ri, "Ndi a fulufhela uri a thi nga gudi nga u ralo na kathihi. Zwino, mukomana," ndo ri, "Ndi a ni funa, huno ni mukomana wanga." Huno nda ri, "Mukomana Jaggers, ni khou yo namela davhi, nga murahu ha tshifhinganyana, line ni nga si kone u tsa khalo. Vhuyani kha tshivhidzo tshanu, nahone vhuyani ni dzule na Mafhungo-madifha." Huno nda ri, "Ni songo tshi fhaña kha minyanyuwo." Ñda ri, "Thone . . ."

²⁸⁸ Zwino o wana, u khou lovhedzela kha Vhutshilo Vhu Sa Fheli, ni a ñivha, "Tshifhinga tshothe ni tshi lovhedza, ni vhuyeleta kha u vha musadzi muswa kana munna. Zwino izwo zwi khou yo . . . A ni khou yo (na kathihi) fa." Ngauralo, izwo, zwone, u magumoni a davhi zwa zwino; huno idzo "philisi dza vitamine dzi bvaho kha Lwanzhe lwo Faho." Ni a vhona? Fhedzi izwo ndi zwine zwa vha zwone, mukomana, ni thoma kha iyo minyanyuwo miñuku.

²⁸⁹ Huno vhoiñwi vhanna fhano vhane na vha na izwi zwivhidzo, ni tendela tshiñwe tshithu tshi no nga tshenetsho u dzhena mudini, huno, ni a ñivha, diabolo o thanya, huno u—u fhufhela ngomu ha izwo zwithu nga u ralo. U taña khani nga hazwo. Huno u—u vhilinganya vhatu, huno u vhanga mavilinga tshivhidzoni, na zwithu. Fhedzi izwo a zwo ngo ralo.

²⁹⁰ Zwino, hafha. A hu londwi uri no luga u gumafhi, ngetshi tshithu tshithihi tshine tsha ri kundela nahone ra sa vhe natsho, vharathu vhanga. Zwino ndi khou vala, nga u amba hezwi. A hu londwi uri ndo luga hani, na uri ndi wa maiwalo hani, na uri ndi ñivha nga ha Bivhili ya Mudzimu u gumafhi; arali ndi si na Muya wa Mudzimu, wa lufuno, mbiluni yanga, kha lushaka lwothe lwa vhatu na vhothe, zwenezwo tsha u thoma ndo khakha.

²⁹¹ Zwino, Paulo o amba, kha Vhakorinta Ya U Thoma 13, "Naho ndi na ndivho, ni a vhona, huno ndi tshi pfesesa

zwiphiri zwa Mudzimu zweithe, ni a vhona; fhasi ha zweithe, nda ima; huno ndi si na lufuno, nne a thi tshithu. Huno naho nda amba nga lulimi lwa vhathe na lwa vharuňwa,” izwo ndi izwo zwine na amba na Mudzimu, nahone tshifhinga tshothe zwine zwi nga si talutshedzwe. “Naho ndi tshi amba nga dzindimi, ndimi dza vhukumakuma dza vhathe na vharuňwa, huno ndi si na lufuno, lufuno, a zwi mpfarisi tshithu.” Ngauralo arali ndi tshi divha zwiphiri zwa Mudzimu zweithe, huno ndi tshi kona u zwi dzumbulula nahone—nahone nda ita uri zweithe zwi kwakwane, huno ndi si na lufuno, naa zwi farisani? Huno musi ndi...

²⁹² Yesu o ri, “Nga izwi vhathe vhothe vha do divha zwauri ni vhafunziwa Vhangwa, musi ni na...” musi Khuvhangano dzi na lufuno kha Vhuthihi, huno Vhuthihi vhu na lufuno kha Dzikhuvhangano, “musi ni na lufuno, muňwe kha muňwe,” no luga kana no khakha. Huno musi ndiyho i tshi di vha yo khakheaho, tshiitisi tsho khakhea, kha ndi ri, zwenezwo tsha u tou thoma no khakha. Naa izwo a si zwone? [Tshivhidzo tshi ri, “Amene.”—Mudz.] Ni a vhona, “Naho ndi tshi amba nga lulimi lwa vhathe na vharuňwa, huno ndi si na lufuno, a thi athu vha tshithu.” Ngauri, Mudzimu ndi lufuno. Izwo ri a zwi divha.

²⁹³ Huno ndi a tenda kha u amba nga dzindimi. Zwino, muňwe muthu o ri, “Mukomana Branham ha tendi kha vhutanzi ha u ranga.” Ndi do takalela u ita uri izwo zwi pfale kha inwi zwino. Ni a vhona? Ndi do takalela u ni vhudza.

²⁹⁴ Ndi tenda zwauri musi muthu a tshi tanganedza Kristo, u tanganedza tshipida tsha Muya Mukhethwa. Ngauri, Yesu o amba, kha Mateo ndi—ndima ya 12, ndima ya 5 na fumbili...ndimana ya 24, O amba. Hai, ndi tenda uri ndi Yohane Mukhethwa 5:24. O ri, “Ane a pfa Maipfi Anga, huno a tenda kha Uyo we a Nthuma, u na Vhutshilo Vhu Sa Pheli.” Zwino, hu na tshivhumbeo tshithihi fhedzi tsha Vhutshilo Vhu Sa Pheli. “Huno a nga si dzhene kha u laťwa; fhedzi o bva lufuni a ya Vhutshiloni.”

²⁹⁵ Zwino, ndi a tenda uri a hu na muthu ane a nga divhidza; Mudzimu o tea u mu vhidza. Huno arali zwa vhukuma Mudzimu o mu vhidza...Huno hu na vhathe vhanzhi, vhane ra vha divha, vharathu, vha diitisaho huno vha elekanya uri Mudzimu o vha vhidza, fhedzi hu si kale vhutshilo havho...wana, ni a vhu wanulusa. Fhedzi arali Mudzimu o ni vhidza, mulandu, ni, ni do vha heneffo, nahone ni do dzula heneffo, ni a vhona, na divha. Huno zwenezwo arali...Zwino, iyo a si pfunzo ya Baphuthisi. Izwo ni a zwi divha, ni a vhona.

²⁹⁶ Fhedzi, a thi tendi kha u khađana na u vha na tsireledzo ya U Ya Nga Hu Sa Pheli, na izwo zwithu zweithe. A—a

thi zwi tendi hezwo, na luthihi. Arali vha tshi ṭoda u zwi tenda izwo, ndi zwone, izwo two luga. Ndi kha ḋi ri vha vhakomana vhanga.

²⁹⁷ Matsheloni ano, arali ndo vha ndi tshi khou yo humbela tshipida tsha phai, (lune kaṭukuṭuku ha ṭodou vha tshifhinga tsha tshiswītulo), ndi nga di takalela tsheri, huno inwi ni nga di dzhia apūla, fhedzi vhuvhili hashu ri khou la phai. Ni a vhona? Ngauralo a zwi iti iñwe-vho... samusi ri tshi khou di la phai.

²⁹⁸ Iyo ndi ndila ine ra tenda. Arali ni tshi ṭodou vha Vhuthihi, ivhani Vhuthihi; arali ni tshi ṭodou vha Khuvhangano ya Mudzimu, ivhani Khuvhangano ya Mudzimu. Arali ni tshi ṭodou vha tshiñwe na tshiñwe tshine na vha tshone, Mubaphuthisi, Mupuresbiterieni, ivhani Mukriste ngomu hatsho. Ni a vhona?

²⁹⁹ Zwino—zwino disedzuluseleni zwone, fhedzi ni songo tata khani nga tshañu. Ngauri, izwi zwithu zwituku, zwi a tshimbilelana. Izwo ndi zwone. Zwothe zwi a tshimbilelana nahone zwa da afho fhethu huthihi.

³⁰⁰ Huno—huno a hu londwi uri ri itani, ndi madembe mangana ane ri nga a ita, ndi thavha nngana dzine ri nga dzi sudzulusa, kana tshiñwe na tshiñwe tshine tsha vha tshone; u swika ri tshi da fhethu hune ra funa, hu si u hoyo, fhedzi ri a funana. Musi ri tshi funa mukomana muñwe na muñwe, hu sa londwi uri ndi wa tshivhidzo-de, ri a mu funa; hu si u ita u nga ri ri a ralo, ngauri ri tshi ñivha uri ndi muhumbulo wa vhurereli, ndi, “Ri tea u zwi ita.” Fhedzi, ngauri ri a zwi ita, ri a funana; zwenezwo, u kondelela, ri tshi kondelana.

³⁰¹ Huno ndi a tenda, kha Vhakolosa ya 3, tsini na ya 9, huniwe fhethu ngomu heneffo...ndi nga di, a—a thi...ndi nga di khakha kha Luniwalo, fhedzi Yo amba hezwi. Nga murahu ha musi ro no vha Mukriste, a ro ngo tea u tshivha. Ni a vhona? Ri nga si vhe na lutendo musi ri tshi khou lingedza u ñeana džithompho na u hulisana. Ni a vhona, izwo ri nga si zwi ite; ri nga si vhe na lutendo. Ri tea u hulisa Mudzimu, ni a vhona, u Mu hulisa. U tenda vhakomana vhanga, ngoho, ndi lufuno; fhedzi džithompho na tshirunzi zwi ya kha Mudzimu! Malugana na...Fhedzi ivhani na u tendana na u fulufhelana. “Huno ni songo zwifhelana.” Ni a vhona? “Ni songo zwifhelana.” Arali matsheloni ano nda ni vhudza uri, “Ndi a ni funa,” ndi fanela u vha ndi tshi khou amba zwenezwo. Arali zwi sa khou vha nga u ralo, ndi muhoin. Izwo ndi zwone kokotolo.

³⁰² Zwino, vharathu, nga heyi ndila...Zwino, Mukomana Tommy, ndi a fulufhela a tho ngo twesa lwo kalulaho hafha. Ndi...Mukomana Tommy u na tshiñwe tshithu tshine a ṭodou amba nga muthethe. Fhedzi ndi nga di amba hezwi, musi ndi tshi da vhukati hanu...

³⁰³ Ndi a zwi tenda hezwi. Ndi tenda uri Mudzimu Khotsi ashu o vha murunzi wa musidzana a no pfi Maria, huno a sika sele ya Malofha ngomu hawe ye ya bveledza Yesu Kristo, we a vha e Murwa wa Mudzimu, thaberenakele ye Mudzimu a Diambadza lupila ngomu hayo, namani, a Divhonadza vhukati hashu. “Mudzimu o vha e kha Kristo, a tshi khou Dipfumedzanya na shango.” Ndi tenda uri iyo sele ya Malofha yo kwashea ngei Khalivari, u itela khangwelo ya zwivhi zwashu. Huno Muya wo bva Khae huno wa vhuyeleta kha Tshivhidzo, ngauri, Kristo, Muya Mukhethwa; Kristo, ene Logos, o vha e kha rine zwino, Muya Mukhethwa, nga ndovhedzo. A tshi khou ri ita...Kristo o Difhandekanya, a tshi khou nekedza Vhutshilo Hawe kha muñwe na muñwe washu, uri riñe, sa tshigwada tsha vhatu, ri vhe Tshivhidzo tsha Mudzimu. Huno a si kale-kale...

³⁰⁴ Ndo vha ndi tshi anzela u namela. Izwo ni a zwi ñivha. Khotsi anga vho vha vhe munameli, muthuntshi makone. Ndo vha ndi tshi anzela u namela. Ro lisa dzone—dzone...kha Govha la Arapaho, kana ndi amba Mulambo wa Troublesome, nga nthia ha Renzhe ya Arapaho. Nyandano ya Hereford i fula kha ilo govha. Huno kha ilo govha, vhorabulasi, vha—vha na hatsi vhunzhi lune vha nga fuwa. Huno musi bulasi i tshi do bveledza nga maanda u swika kha thani ya hatsithusa, ni nga fuwa thole kha—kha pfulo, ngeyo fhasi ha Estes Park henefho, nahone ni nga fuwa thole kha ayo mafu....Fhethu hanga huhulwane ha u zwima, ngomu nthia henengei. Huno ndo vha rabulasi ngomu henengei lwa ñwaha. Ndi kha di ya, nga Tshimedzi na Luñavula, musi ndo tshaisa nahone ndi tshi kona, huno nda namela nda mona-mona, uri ndi tou vha henengei nthia, ngauri ndi funa u namela. Huno nthia na fhasi hothe ha bula-...ilo govha, hu na tshigwada tsha vhorabulasi vha re na pfanelo ngomu hafha, na u fulisa kholomo dzavho. Huno nga tshifhinga tsha Tshimedzi, tshifhinga tshinzhi, ndo vha thusa u swogela kholomo fhethu huthihi na u dzi gidimedzela henengei nthia.

³⁰⁵ Huno hu na luhura lwa ñambuwo, hune vha nga si humele kha ndaka yo dzumbetshedzwaho, vha tshi khou tsa nga kha renzhi. U swika...Huno renzha a ima henefho huno a vhala idzo kholomo musi a tshi dzhena, musi dzi tshi dzhena. Huno ndo dzula, maduvha manzhi, awara na awara; nda sedza sambi la Vho-Grimes li tshi fhira, vho vha vhe na Mukonde wa Daimane; lashu lo vha li Gwala la Turkey; huno vho vha vhe na tri—Tripoidi henefho fhasi hashu; na la Jeffrey, na mañwe-vho. Zwenezwo musi ndo no vheea mulenzhe wanga, vhunga vhunzhi hañu ni tshi zwi ñivha, u buðekanya luñanga lwa sale, huno nda dzula henefho nahone nda sedza renzha o di ima henefho, a tshi khou vhala idzi kholomo.

³⁰⁶ Ndo dzhiela nzhele tshithu tshithihi. Ho ngo sedzesza pfungavhune ye ya vha i khayo. Fhedzi hu na tshithu tshithihi tshe zwa vhukuma a tshi ṭoda, itsho tsho vha tshi tthisumbavhuyo tsha malofha. Yo do tea u vha lushaka-vhukuma lwa Hereford kana a yo ngo kona u ya murahu ha ulwo luhura, fhedzi pfungavhune a yo ngo ita phambano khulu.

³⁰⁷ Huno ndi elekanya uri iyo ndi ndila ine zwa do vha ngayo kha Khathulo. Ha khou yo sedza pfungavhune yashu, fhedzi U do ṭoda tthisumbavhuyo tsha Malofha.

³⁰⁸ Ndo ita khakho dzanga, vharathu, nahone ndo ita zwithu zwinzhi nga maanda two khakheaho. Huno arali nga tshiñwe tshifhinga huñwe ndilani ndo disa, kana no pfa tshiñwe tshithu tshine ndi nga vha ndo tshi bula kana u tshi amba, tshine tsha ñea tshikhukhuliso tsha luñwe lushaka, kana arali ndo amba tshiñwe tshithu matsheloni ano tshi no ñea tshikhukhuliso, ndi a ni humbela, vhunga mukomana a re Mukriste kana Khaladzi, mpfareleni. A thi khou ita nga khole. Ndo tou ni tevhutshela fhedzi mbilu yanga, u itela uri ri divhe.

³⁰⁹ Arali hu na u lovhedza huñwe-vho hune ha tea u itwa, inwi vharathu ni hu ite, inwi vhañe, ni a vhona. Izwo, a—a thi zwi iti. Arali ndo vha ndi naho, iyo ndi ndila ine nda do lovhedza, i no nga yeneyo. Huno ni nga dzhia iñwe yadzo, ni a vhona. Ngauralo ni nga dzhia muthu, vha lovhedzwa nga Dzina la Khotsi, Murwa, na Muya Mukhethwa, nahone vha lovhedzwa nga Dzina la Murena Yesu Kristo, na vhone-vho. Ngauralo arali nda vhuya nda lovhedza muñwe...fhedzi a thi athu zwi ita. Ndi lovhedza fhedzi tshivhidzoni tshanga, huno avho vha tou vha vhathe vha heneffo. Huno iyo ndi ndila ine vhathe kha tshivhidzo tshanga vha lovhedzwa. Huno arali na sedza murahu, iyo ndi nyitelatherelo ya kale ya Vhurumiwa, nyitelatherelo ya kale ya Baphuthisi ya Vhurumiwa. Huno zwino arali...Izwo ndi zwenezwo.

³¹⁰ Ndi tenda kha phodzo ya Muya. Ndi tenda kha ndovhedzo ya Muya Mukhethwa. Ndi tenda kha—kha Muya Mukhethwa u tshi amba nga dzindimi. Ndi tenda kha tshifhiwa tshiñwe na tshiñwe tshe Mudzimu a nekedza Tshivhidzo Tshawe. Ndi ima nazwo, phesente dza dana lithihi. Fhedzi ndi a tenda...

³¹¹ A thiho ngomu ha zwinzhi zwa iyi phodzo ya n̥thesa ya vhufhura hafha ine ra vha nayo u mona hoñhe namusi. Ndi do tou takalela u ñea lihumbulwa hafha. Nga tshiñwe tshifhinga tsho fhiraho ho vha hu na mukomana...Huno a si Mukomana Tommy Hicks wanga wa vhuhogwa, ane nda mu dzhia sa mulanda a fulufhedzeaho wa Kristo. Ho vha hu na muñwe munna kha ñinwe shango, huno kha ili shango ho vha

hu na...O vha a tshi tou vha, tshifhinga tshothe, “Mufhodzi wa Mudzimu wa nthesa! Mufhodzi wa nthesa,” ni a divha, nga u ralo.

³¹² Huno ndo wana luñwalo nga murahu ha musi uyo munna o no...a tshi bva kha tshivhidzo tsha Luñtere. Huno muñwaleli wanga hafha u a divha uri ri nalwo kha faela. Ndi nga si kone u bula dzina la uyo munna, ngauri a zwi ngi zwa Tshikriste. Nangwe, ndi sa tendelani na mihumbulo ya uyo munna, fhedzi izwo zwo luga lwo fhelelaho. Ndi a mu funa. Ndi mukomana wanga.

³¹³ Fhedzi zwo tou swika fhethu hune vha tou tea u vha na luñwe lushaka lwa munyanyuwo, kana vha zwi tshaela nga tshimebi, kana tshinwe tshithu-vho tshi no nga zwenezwo, ni a vhona. Huno, izwo, izwo a si zwavhudi, ni a vhona. Mukomana... “Nyonyoloso ya muvhili i ita zwiñukuñuku.”

³¹⁴ Huno ngauralo uyu mushumeli wa Luñtere a dovha a ñwalela uyu mushumeli lu—lu—luñwalo. Huno a ri, “Vhoiwi vhaevangeli vha Amerika vha ñaho ngeno,” ha pfi, “na phodzo yañu yoþhe ya nthesa kha muñwe na muñwe!”

³¹⁵ Huno izwi zwi pfala vhunga tshiñphopho tsha maluvha kha ññe, fhedzi Mudzimu u a zwi divha uri a thi khou zwi amba nga ndila heyo. “Fhedzi,” a ri, “musi—musi Deborah Stadsklev muñuku a tshi fa, luña lushie, huno uña mme o ima heneñhalo nga ilo ñuvha kha la India...kha la California, he luña lushie lwa fa, nahone lwa rothola. Huno ndo no vhona...o ladza luña lushie tshanđani tsha Mukomana Branham, na ene o ima heneñho nahone a lu rabelela. Huno lushie lwa thoma u zhamba na u raha-raha; huno a lu humisela khae.”

³¹⁶ Nahone o divha nga ha tsumbo ya Mexico. Zwine, ri nga tea tshitatamennde itshi kha avha Vhanna vha Bindu la Mafhungo-madifha o Dalaho. Ni tea u vha na tshiñwe tshithu tsho bulwaho tshi bvaho ha dokotela. Musi luña lushie luñuku lwa Mexico lwo no fa matsheloni ayo, nga awara ya tahe nthia ha tshithoma, huno iyi yo vha i awara ya fuminthihi nthia ha tshithoma uvho vhusiku. Dokotela o ñwala tshitatamennde tshawe. Mukomana Espinoza, ane vñunzhi hanu vharathu vha Khuvhangano ya Mudzimu na muñdivha, o vha e ene we a wana tshitatamennde tshi bvaho ha dokotela, tsha uri lwo fa.

³¹⁷ Huno nda vhona bono nnda kha gogo; musi vhatu vha Katolika vha zwigidi zwa fumbili vha tshi da kha Kristo, ngei Mexico City. Nda ri, “Ni songo sokou dzhia hezwo. A thi ñivhi, luña lushie...ndo sokou vhona bono hafha nda.”

³¹⁸ Huno Billy o vha e henengei, a tshi khou lingedza, e na vhathusi vha furaru kana vha fuina, a si kone u ita uri uña musadzi muñuku a si vhe kha muduba, e na luña lushie. O

do gidima vhukati ha milenzhe yavho, na tshiñwe na tshiñwe. Ngauralo, mafhedziseli, nda rumela Jack Moore fhasi. Nda ri, "Iyani, ni lu rabelele."

³¹⁹ Nda sedza hafha nn̄da, huno nda vhona lushie luṭuku lwa Mexico lu tshi khou ḥwethuwa. Nda ri, "Imani lwa tshifhinganyana. Lu diseni ngeno." Ni a vhona? Huno musi ndi tshi vhea zwanda zwanga kha ilo bai... Mvula ya sokou shuluwa, ḫuvha loṭhe. Huno vho vha vho ima henefho u bva tsha ayo matsheloni, huno itshi tsho vha tshi tshi ṭodou rwa awara ya fuminthihi uvho vhusiku. Huno nda vhea zwanda zwanga kha lushie luṭuku. Lwa thoma u raha-raha na u tzhemba. Huno vha thoma u zhamba.

³²⁰ Ngauralo, zwenezwo vha lu tsitsela fhasi huno vha wana tshitatamennde. Ha iwa ha dokotela, huno dokotela a ri, "Ndi bula zwauri lushie lwo fa, matsheloni ano nga awara ya tahe n̄tha ha tshithoma. Lwo fa nga nyumonia." Ni a vhona? Huno ngauralo-ha izwo zwithu ndi—ndi—ndi ngoho. Ndi zwitatamennde. Zwo tea u ralo.

³²¹ Ri tea u fulufhedzea na u vha vha ngoho nga ha tshiñwe na tshiñwe. Ni songo tshi ita tshiñwe-vho... Itonu tshi litsha tshi vhe zwine tsha vha zwone. Tshi litsheni... Mudzimu ha ṭodi thuso kha tshiñwe tshithu. Ni a vhona, Ndi—Ndi—Ndi Mudzimu.

³²² Ngauralo izwi o zwi amba zwino, "Fhedzi musi uyu mme a tshi vhidza Mukomana Branham kha ḥa Amerika, a tshi khou mu lilela kha founi, 'Idani hangeno huno ni vuse lushie lwanga luṭuku!' Huno Muvhuso wa United States..."

³²³ Munna wawe ndi mufunzi kha Mmbi. Huno vho inwi nohe ni a mu ḫivha Julius, vhusiku hañu ni ralo; o ḥwala bugu yanga, *Muporofita U Dalela Afurika*.

³²⁴ Huno uyo mme muṭuku a tungufhadzaho wa Norway, a tshi khou zhamba, nga ipfi ḥawé loṭhe, o ri, "Mukomana Branham, ndo vha ndo ima henengei musi luṭa lushie lu tshi dovha lwa tshila!" Ha pfi, "Ri a ni tenda uri ni mulanda wa... wa Kristo." Ha pfi, "Idani, ni vhee zwanda zwanu kha lushie lwanga, huno lu do tshila." Lu kha ḫi bva u tou fa nga tshikhathi tshithihi kana zwivhili, nga nyumonia; lwo lwala awara dzi no ṭodou swika n̄na, ḫthanu.

³²⁵ Huno avha vhanna vho vha vhe henengei, vha tshi khou huwelela na u zhamba, nahone vha tshi fhufhela n̄tha na fhasi, vha tshi ri, "Mudzimu u khou yo lu vusa! Mudzimu u khou yo lu vusa!" Huno ha pfi...

³²⁶ Nga ayo, Madzangano-a-mabu-a Amerika... kana, hu si Madzangano-a-mabu-ho a Amerika. Mmbi ya United States yo vha i tshi khou yo u nnyendedzela henengei nga dzhethe, na u vhuya, nga ḫuvha ḥithihi. Ni a vhona?

³²⁷ Huno nda ri, “Ndi sa athu ḋa, i ri ni ndi wane lufuno lwa Murena.” Ngauralo nda rabela, maጀuvha mavhili. Huno uyo dokotela o vha e wavhuđi nga maጀanda u tendela lushie u edela henefho.

³²⁸ Zwenezwo, nga maጀwe matsheloni, nda vuwa nahone nda thoma u ya nn̄da nda dzhena tshitangani. Nda sedza; ndo ima henefho, nga n̄tha, ho vha hu tshi tou vha na Tshedza nga vhuhulu tsha ḍōđou lingana na itsho tshedza henefho, tshi tshi khou mona, ha pfi, “Itsho u songo tshi kwama. Itsho u songo tshi kaidza. Itsho ndi tshanda tsha Murena.”

³²⁹ Nda gidimela ngei murahu huno nda vhidza lushaka, nahone nda vhidza nda ri, “Ndi—ndi nga si kone u ḋa.”

³³⁰ Huno uyu mushumeli wa Łutere a ri, “Ndi ngani ni sa lindeli u swika ni tshi wana tsheo i re khagala i bvaho ha Mudzimu, vhunga zwe Mukomana Branham a ita, huno zwenezwo ni a ḋivha zwine na khou amba nga hazwo!”

³³¹ Zwino, izwo ndi zwone, vharathu, arali ri sa do gidimela u tenda; huno ra lindela, nahone ra wana tsheo i pfalaho, i re khagala i bvaho ha Mudzimu.

³³² Huno izwi zweithe hafha, hu tshi khou fhodzwa vhaitazwivhi vhane vha sa ḋivhe tshithu nga ha Mudzimu. Ndi tenda uri phodzo ya Muya yo tewa kha mulayo, wa uri ni fanela u ḋa ha Mudzimu, u thoma, huno na ḋekedza mbilu yaጀ Khae, nahone na ḋanzwa vhutshilo haጀ Malofhani a Yesu Kristo, huno zwenezwo Mudzimu u ḋo ya u shuma na inwi nahone a ni fhodza. U tou fana na zwe uyu mukomana a amba, nga ha musadzi muጀuku we a mu rabelela henengei, mukhethwa wa Mudzimu, ni a vhona.

³³³ Vhutshiloni hanga, ndo ita khakho nn̄zhi. Ndo ita zwithu zwinzhi zwe khakheaho. Hu na khonadzeo ya uri, arali nda lalama, ndi do ita nn̄zhi-nn̄zhi. Khamusi dziňwe dzadzo dici do vha zwikhukhuliso ndilani yaጀ. Ndi a fulufhela uri ni a nkhangwela.

³³⁴ Ndo vha ndi tshi khou vhala nga ha Abrahamu, nga ndila ye a vha e na dzindado ngayo. Nga ndila ye ene, n̄nenne, zwithu zwe a ita; o timatima Mudzimu; huno a zwifha nga ha mufumakadzi wawe; na tshiňwe na tshiňwe. Fhedzi musi khomenthari yawe Khethwa i tshi ñwalwa kha Vharoma 4, na kathihi a yo ngo vhuya ya bula khakho dzawe, fhedzi ho pfi, “Abrahamu na kathihi ho ngo timatima u fulufhela” nga u sa tenda...nga Mudzimu, “fhedzi o vha o khwatha.” Khakho dzawe dzothe dza hangwiwa tshothe, musi khomenthari Khethwa ya vhutshilo hawie i tshi ñwaliwa. Ndado dzawe dzothe a dzo ngo vhuya dza bulwa. Khakho dzawe a dzo ngo bulwa.

³³⁵ Huno, vharathu, ndi a fulufhela, uri musi khomenthari yanga i tshi vhaliba nga ilo Duvha, U ḋo thutha dzanga,

na dzone-vho, huno a nga si elekanye nga hadzo nga itsho tshifhinga. Ndi a fulufhela uri inwi ni a ralo, na inwi-vho. Mudzimu a ni fhaṭutshedze.

³³⁶ [Mukomana Tommy Hicks u nea muhumbulo, a mbo rabela. Tshivhidzo tshi renda Mureña, tsha mbo imba *Ndi A Mu Funa*. Vharathu vha a kuvhatedzana, huno na khaladzi dici a kuvhatedzana. Nga murahu ha miniti dza malo, Mukomana Branham a humela kha khudzaipfi—Mudz.]

³³⁷ Arali ndo vha ndi tshi nga vhona izwi zwi tshi bvelela shangoni lothe, ndo vha ndi tshi do ri, “Murena, tendela mulanda Wau a tuwe nga mulalo!”



VHUMUDZIMU HO TALUTSHEDZWA TSV61-0425B
(The Godhead Explained)

Hoyu Mulaedza nga Mukomana William Marrion Branham, u rangani wo newaho nga Tshiisimane nga matsheloni a Lavhuvhili, Lambamai 25, 1961, kha Holiday Inn kha la Chicago, Illinois, U.S.A., wo dzhiwa kha rekhodo ya theiphi ya maginete huno wa gandiswa u songo pfuhifhadzwa nga Tshiisimane. Heyi thalutshedzo ya Tshiventā yo gandiswa huno ya phaḍaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org